

## Ro Ta Ila Pizin Iburu

### *Anutu Lutuunu ta iswe kat Anutu piti*

<sup>1</sup> Munḡu Anutu kalḡaana ila iwedet ki kwoono bizin pa zaala matakiḡa, mi tumbundu bizin tilenḡeḡ sua kini ila kizin.

<sup>2</sup> Tamen mazwaana kaimer kana ta ti na, iti teleḡ Anutu kalḡaana ila ki ni itunu Lutuunu tau. Indeeḡe Anutu iur saamba mi toono na, Lutuunu ta iwe zaala pa koronḡ ta boozomen ma tipet. Mi Anutu ipeikati be koronḡ ta munḡaana men imap ma iwe lene.✧

<sup>3</sup> Ni ta iswe kat Anutu piti. Pa Anutu mburaana mi azunḡa kini ramaki mbulu kini boozomen ta zaana biibi pa i, ta imap ma imbot se ki Lutuunu. Mi sua mbolḡana ki Lutuunu ta ikiskis koronḡ ta munḡaana men ma timbot murin. Ni izem itunu ma imeete pizin tomtom bekena ipus zin pa sanaana kizin ma tinḡeeze kat pa Anutu mataana. Mana imiili ma isala mini saamba, mi mbuleene isu Anutu ta mbura keskeezenḡana na namaana woono be ikam peeze.✧

### *Lutuunu zaana biibi ma ilip pizin aḡela*

<sup>4</sup> Anutu, ni iur Lutuunu ma iwe biibi mi zaana ilip pizin aḡela.✧

<sup>5</sup> Pa kere. Kena so Anutu iso pa aḡela tasa ma isombe:  
Nio lutunḡ ta nu na.

---

✧ **1:2:** Mbo 2:8; Mt 11:27; Yo 1:3; Nḡo 2:17; Kol 1:16; Ibr 12:25

✧ **1:3:** Yo 1:14; Nḡo 2:33+; 2Kor 4:4; Kol 1:15-20; Ibr 9:11+; Tur 4:11

✧ **1:4:** Ep 1:20+; Pil 2:9+

Koozi nio aṅwe nu tomom.\*

Som na isombe:

Nio ko aṅwe ni tamaana,

mi ni ko iwe nio lutuṅ.\*

Kembe lak. Mi inṅi som.

<sup>6</sup> Indeeṅe Anutu ikam itunu Lutuunu muṅgamuṅga ma imiili ma isala mini pa muriini na, iso ka sua ta kembei:

Aṅela ta boozomen ki Anutu ko tilek kumbun pini mi tipakuri.\*

<sup>7</sup> Mi zin aṅela na, kan sua imbot ta kembei: Anutu ikam zin aṅela kini ma tiwe kembei ta miiri mi you miaana. Pa zin na, mbesooṅo kini men. \*<sup>8</sup>

<sup>8</sup> Lutuunu na, Anutu iso pini ta kembei: Anutu, nu ko mbotmbot se murim peeze kana mi kamam peeze, mi iseeṅge iseeṅge ma ila.

Mi peeze ta kamam, ina indenṅeeṅe men.

<sup>9</sup> Nu lelem pa mbulu ndeeṅeṅana, mi urur koi pa mbulu sananṅana.

Tanata Anutu ku ipakuru ma lip pa waem bizin, mi ilinṅ ṅgere isalakaalu mi iuru pa uraata biibi.

Mi ina ikamu ma lelem ambai kat.\*

<sup>10</sup> Mi Anutu iso pini mini ta kembei:

\* **1:5:** Mbo 2:7; Mt 3:17; Ngo 13:33; Ibr 5:5      \* **1:5:** 2Sam

7:14      \* **1:6:** Mbo 97:7; Ro 8:29; Kol 1:18      \* **1:7:** Sua ti ka

ṅgar ta kembei. Zin aṅela raraate pa Yesu som. Pa zin na, Anutu mbesooṅo kini men. Mi mbulu kizin itortooro kembei ta miiri mi you. Tamen Yesu, ni Anutu itunu Lutuunu. Mi mbulu kini imbot pataaṅa. Itortoori som. Tana ni ilip pizin aṅela.      \* **1:7:** Mbo

104:4      \* **1:9:** Mbo 45:6+; Ngo 10:38

O Merere, munḡu kat ta mata popoten na, nu ur toono ma uunu imbol kat.

Mi saamba tomimi, ina nomom muriini.✧

<sup>11-12</sup> Saamba mi toono ko tisaana ma tiwe munḡuḡan kembei kawaala pasaana.

Tana nu ko lek zin ma timap ma tila len, mi pekel zin pa saamba mi toono popoḡan.

Tamen nu na, mbotmbot men ta kembei. Tortooru som.

Tana ndaama ku ko iseḡḡe iseḡḡe ta kembei ma alok.”✧

<sup>13</sup> Mi Anutu sua kini iso seḡḡe ta kembei:

Mbulem su ki nomoḡ woono ma irao aḡkoto kom koi bizin ma mburan imap kat, mi kumbum ise ḡḡuren.✧

Lak, Anutu iso sua sa ta kembei pizin aḡela? Som.

<sup>14</sup> Pa zin aḡela na, Anutu mbesooḡo kini men. Ni iḡḡoḡo zin ma tilala be tiuulu zin wal tau zan be tikam ulaaḡa kini na.✧

## 2

*Tipizil ndemende pa Krisi pepe. Pa ni ikam uraata biibi piti*

<sup>1</sup> Tana, sua ki Anutu ta telenḡ kek na, matanda iḡḡalḡal be tikis ma tunḡunḡ pataaḡa. Kokena tezem, to tewe kembei woḡḡo ta timbit kat som, mi isur ma ila lene.✧

---

✧ **1:10:** Mbo 8:6, 102:25+ ✧ **1:11-12:** Yesa 34:4, 51:6; Ibr 13:8; Yems 1:17; 2Pe 3:13; Tur 6:14 ✧ **1:13:** Mbo 110:1; Mk 12:36 ✧ **1:14:** Mbo 34:7, 91:11, 103:20; Mt 25:34; ḡḡo 12:7 ✧ **2:1:** Ro 11:22; Yems 1:6

<sup>2</sup> Kere. Anutu tutu kini ta munḡu zin Israel tilen la zin aḡela kwon na, mbolḡana kat. Wal ta timolo tutu tana mi tikam zoroḡana pa na, Anutu ileleele zin som. Timap tire kadoono pa ma ikot mbulu kizin.✧

<sup>3</sup> Mi uraata ta Yesu ikam beken a ikamke iti na, biibi ma ilip kat pa uraata ta munḡu Anutu ikam pizin Israel na. Tana sombe terepiili uraata kini tana kembei koroḡ sorok mi tipizil ndemende pa, ko tombot? Som kat!✧

Uraata tana na, mataana mi Merere itunu isoy-aara ka sua. To zin ta tilenḡi mi tire i na, tisoyaara sua tana piti mi tipombol, tabe tikam ma iti tomini tuurla.✧

<sup>4</sup> Mi Anutu igabgaaba zin pa uraata kizin mi ipombolmbol sua kizin. Pa irairai mbulu pakan ta ki Bubunḡana Potomḡana i pizin wal urlaḡan irao itunu leleene, mi ipombolmbol zin ma titortooro mos bibip mi uraata mburannḡan matakiḡa.✧

*Yesu, ni zaana biibi. Tamen Anutu ikoto i ma zaana isu ri pizin aḡela pa mazwaana ri*

<sup>5</sup> Saamba mi toono popoḡan tabe tipet pa kaimer ma amzzo sua pa i, na Anutu iur zin aḡela be timboro na som.

<sup>6</sup> Pa tomtom ta, ni iso kat ka sua ta kembei: O Merere, niam tomtom pareiḡoyam ta nu kamam ḡgar biibi piam?

Mi Tomtom Lutuunu na, parei ta nu motom pini?✧

<sup>7</sup> Nu koto zaana ma isu ri pizin aḡela pa mazwaana rimen.

---

✧ **2:2:** Nḡo 7:38,53; Ga 3:19; Ibr 10:28    ✧ **2:3:** Ibr 10:29, 12:25

✧ **2:3:** Mk 1:14+; Nḡo 1:8; 1Yo 1:1+    ✧ **2:4:** Mk 16:20+; Nḡo 14:3; 1Kor 12:4-11    ✧ **2:6:** Mbo 8:4+, 144:3

To pakuri mini ma zaana iwe biibi ma ilip kat,  
 8 mi uri ma imboro koronj boozomen ta itum  
 nomom iur zin na.  
 Tana koronj ta munjaana men, ta timap timbot la  
 ni kopo mbarmaana.

Indeenje Anutu iur koronj ta munjaana men  
 ma timbot la Tomtom Lutuunu kopo mbarmaana  
 na, izem tasa som. Tamen koozi tere koronj ta  
 boozomen timap ma tito peeze kini zen.✧

9 Mi Yesu itunu na, tere i. Anutu isombe ikampe  
 iti mi ikamke iti pa meetejana, tanata ikoto Yesu  
 zaana ma isu ri pizin anjela pa mazwaana rimen.  
 Mi ni ikam murindi, mi ire yoyoujana ma imeete  
 piti tomtom ta boozomen. Uunu tina ta Anutu  
 ipakuri ma zaana iwe biibi kat.✧

*Yesu iwe tomtom kembei iti*

10 Anutu, ni iur koronj ta munjaana men, mi  
 ikiskis koronj ta boozomen ma timbot la murin-  
 murin. Mi ni leleene be iyaaru lutuunu bizin  
 ta boozomen ma tila mi zijan timbot lela azunja  
 kini leleene. Tanata ikam Lutuunu Yesu ma ire  
 yoyoujana biibi. Mi ina indeenje men. Pa ikam ma  
 Yesu irao kat be imuungu pa Anutu lutuunu bizin,  
 mi iporou pizin, mi ikamke zin ma timbot ambai.✧

11 Zijan wal kini ta ni ikam zin ma tiwe po-  
 tomjan na, un tamen tau. Tanata niini ise pizin  
 mi leleene pizin, mi ipaata zin be tonmatizij kini.✧

12 Pa ni iso sua ta kembei:  
 Nio ko ansoyara urum pizin tonmatizij tio.

---

✧ **2:8:** Mt 28:18; 1Kor 15:25+; Ep 1:22 ✧ **2:9:** Pil 2:7+; 1Yo 2:2; Tur  
 5:9 ✧ **2:10:** Lu 24:46; Ro 11:36; Ibr 5:8+ ✧ **2:11:** Mk 3:35; Kol  
 1:22; Ibr 10:10, 13:12

Mi sombe wal ku tilup zin pa sunņana, na nio ko anņaaba zin mi anņbo mboe be anņakur zom pa.✠

<sup>13</sup> Mi iso mini ta kembei. Isombe:  
Nio, nako anņpase pa Anutu.✠

Mi iso sua toro ta kembei:  
Nio ta itunņ ti. Niamņan tiziņ bizin ta Anutu iroogo zin pio, ta ambotmbot i.✠

<sup>14</sup> Wal kini tana na, zin tomtom toono kan. Tanata Yesu tommini iwe tomtom kembei ta zin, mi iyamaana pataņana ki toono ti, mi imeete bekena ipunmeete Tomtom Sanaana mburaana ma imap. Pa ni ta ipasansaana zin tomtom mi iwe uunu pa meeteņana.✠

<sup>15</sup> Iti tomtom, gorgori tomototo meeteņana, mi motoņana tana ikiskis ti ma lende zaala sa som. Tamen meeteņana ki Yesu itatke iti pa pataņana tana.✠

<sup>16</sup> Mi kere. Uraata tana, ni ikamam pizin anņela som. Ikamam piti tomtom ta popoņana ki Abaraam na.✠

<sup>17</sup> Uunu tina ta ni isu toono ma iwe tomtom raraate kembei iti ta tonņmatiziņ kini na. Pepe, so irao ikam kat uraata kini som. Pa ni ta patoroņana ka tomtom biibi ņonoono. Tana imbot be ireege sanaana kiti mi ipunmeete Anutu kete malmalņana kini, mibe ilup ti raama Anutu ma

---

✠ **2:12:** Mbo 22:22+; Yesa 8:18   ✠ **2:13:** Yesa 8:17   ✠ **2:13:** Mbo 18:2; Yesa 8:18; Yo 17:6,9+   ✠ **2:14:** Yo 1:14, 12:31, 16:11; 1Kor 15:54+; 2Tim 1:10; 1Yo 3:8; Tur 12:9+   ✠ **2:15:** Lu 1:74; Ro 8:15; 2Tim 1:7   ✠ **2:16:** Yesa 41:8+

tewe tamen. Mi uraata kini tana, ni mataana izze pa, mi ikamam raama muɲaiɲana biibi.✠

<sup>18</sup> Pa itunu iyamaana toomboɲana mi pataɲana ki toono ti kek. Tana ni irao kat be ilae kizin wal ta toomboɲana iwedet pizin i, mi iuulu zin.✠

### 3

#### *Yesu zaana biibi ma ilip pa Mose*

<sup>1</sup> O niom toɲmatizij tio, bobi ki kar saamba ta ikam yom tomini ma kewe Anutu wal kini potomɲan kek. Tana kakamam ɲgar pa Yesu mi kopo i se ndomoyom. Pa urlaɲana kiti ta tezzwe na, iso ta kembei: Ni ta Ngoɲana ki Anutu, mi patoronɲana ka tomtom biibi ɲonoono.✠

<sup>2</sup> Mi uraata ta Anutu iur la namaana na, ni itoto Anutu leleene mi ikamam kat, kembei ta Mose ito Anutu leleene mi imborro kat iwal biibi ki Israel. Pa muɲgu zin ta tiwe kembei Anutu ruumu kini.✠

<sup>3</sup> Iti tuute: Sombe tomtom sa ipo ruumu ambaiɲana, na ni ta ikam zaana biibi. Mi ruumu ɲonoono na som. Ina raraate men pa Yesu mi Mose. Pa Mose, ni kembei ta ruumu men. Tamen Yesu, ni kembei tomtom ta ipo ruumu. Tana Yesu zaana biibi ma ilip pa Mose.✠

<sup>4</sup> Ruumu sa irao ipet sorok na som. Ruumu ta boozomen na, kan tomtom bizin ta tiwwo. Mi Anutu ta iur koroɲ ta boozomen ma tipet.✠

<sup>5</sup> Mose, ni mbesooɲo men ki Anutu ta itoto Anutu leleene, mi ikamam kat uraata pa Anutu

---

✠ **2:17:** Yo 1:14; Pil 2:7; Ibr 2:11, 3:1, 4:14+ ✠ **2:18:** Mt 4:1+; Ibr 4:15 ✠ **3:1:** Ro 8:29+; Ibr 2:17, 4:14+, 10:23, 12:2 ✠ **3:2:** Nam 12:7 ✠ **3:3:** Mt 16:18; 2Kor 3:7+ ✠ **3:4:** Un 1:1+

ruumu kini, mi ipatoonjo zin tomtom pa koron pakan ta kaimer Anutu iswe ma ipet kat mat.✠

<sup>6</sup> Tamen Kripsi, ni Anutu itunu Lutuunu ta itoto kat Tamaana leleene mi imborro kat ruumu kini. Tana ruumu katuunu ta ni. Ruumu tana na, iti tomtom ta tuurla kini na. Pa sombe tomoto som, tikiskis urlaḡana kiti ma tunḡ, mi menmeen ti ma tazza koronḡ ambaiḡana tabe Anutu ikam piti pa kaimer i, na tewe kembei Anutu ruumu kini.✠

*Tere iti: Kokena tipizil ndmende pa Anutu mata yaryaaraḡana*

<sup>7-8</sup> Tana kelenḡ sua ta Bubunḡana Potomḡana ipiyooto na. Iso ta kembei:

Koozi, sombe kelenḡ Anutu kalḡaana, na kelenḡsil sua pepe.

Kokena kakam zooronḡana kembei ta tumbuyom bizin.

Pa indeeḡe ta ni itoombo zin su lele bilimḡana na, tileḡsil sua mi tizorzoori.

<sup>9</sup> Pa ni imbelmbel uraata bibip isu lele tana pa ndaama tomtooru, mi zin tire kat pa matan.

Tamen tiurla som, mi titomtoombo mburaana.

<sup>10</sup> Tanata keteene malmal kat pizin mi isombe:

“Gorgori ta zin titoto zaala tio som, mi lelen imbotmbot molo pio.”

<sup>11</sup> Mi ni iso sua mbolḡana pizin raama keteene malmal ta kembei:

“Nḡonoo kat. Toono ta aḡur pizin be tila ma keten su mi timbot ambai pa na, zin ko irao tilela na som. Som kat!”✠

✠ **3:5:** Kam 14:31 ✠ **3:6:** 1Kor 3:16; 2Kor 6:16; 1Tim 3:15; Ibr 4:14, 6:11, 12:1; 1Pe 2:5 ✠ **3:11:** Nam 14:21+; Mbo 95:7+; Mt 4:7



12 Tana niom tonmatizij tio, kere yom: Kokena tiom tasa ngar kini isaana, to izem urlañana kini, mi ipizil ndemeene pa Anutu mata yaryaarañana.

13 Tana aigule ta boozomen kaparpombolmbol yom. Kokena tiom tasa, ngar sananñana ipakaami, to ngar kini imbol kat, mi irao ileñ Anutu kalñaana mini som. Mi uraata ki pombolñana tana, sombe kakam, na kakam ta koozi. Keseke ma ila aigule toro pepe.✧

14 Tana iti temender mbolñana, mi tikiskis urlañana kiti ta mataana kana na, ma tuntuñ ma irao swondo. Naso teswe kembei iti Krisi wal kini ñonoono.✧

15 Kembei ta Anutu sua kini iso ma ila kek. Isombe:

Koozi, sombe keleñ Anutu kalñaana, na keleñsil sua pepe.

Kokena kakam zoroñana kembei ta tumbuyom bizin.✧

16 Lak, zijoñi ta tileñ sua, mana tizooro Anutu? Ina iwal biibi ki Israel ta Mose iyaaru zin, mi tizem Aikuptu ma tila na.✧

17 Mi zijoñi ta Anutu keteene malmal pizin pa ndaama tomtooru na? Ina zin wal tau tinoknok sanaana kamñana na. Uunu tina ta tiwe uri lup isu lele bilimñana.✧

18 Mi zijoñi ta Anutu iso sua mbolñana pizin ma iso:

---

✧ **3:13:** 1Tes 5:11,14; Ibr 10:24+ ✧ **3:14:** Kol 1:23; Ibr 6:11, 4:14, 10:35; Tur 2:25 ✧ **3:15:** Mbo 95:7+; Ibr 4:7 ✧ **3:16:** Nam 14:1+; 1Kor 10:1+ ✧ **3:17:** Mbo 106:24+; 1Kor 10:5+

“Nɔnoono kat. Toono ta aɲur pizin be tila ma keten su mi timbot ambai pa na, zin ko irao tilela na som. Som kat!”✧

Ina zin wal tau tizorzoori tau.✧

<sup>19</sup> Tana sua ti iso iti ta kembei: Zin tiurla som, tanata tirao be tilela mi keten su som.✧

## 4

*Anutu imbuk sua pizin wal kini be ikam zin ma keten su*

<sup>1</sup> Tana Anutu imbuk sua pizin wal kini be ikam zin ma keten su. Mi sua tana imendernder men i. Tana iti ta boozomen tomoto. Kokena tiom tasa imaɲga pa zaala ki urlaɲana, mi ila ma som mi imiili, to sua mbukɲana tana iur ɲonoono pini som.✧

<sup>2</sup> Pa iɲgi tisoyaara uruunu ambaiɲana piti ma teleɲ kek, kembei ta muɲgu zin Israel tileɲ sua ki Anutu. Tamen zin na, tileɲleɲ sorok mi tiurla som. Tanata sua tana iuulu zin som.

<sup>3</sup> Mi koozi, iti tomtom ta tuurla ki Krisi, ta Anutu ikam ti ma ketende su. Mi zin Israel na som. Pa sua ki Anutu iso ta kembei:✧

Iɲgi aɲso sua mbolɲana raama keteɲ malmal ta kembei:

“Nɔnoono kat. Toono ta aɲur pizin be tila ma keten su mi timbot ambai pa na, zin ko irao tilela na som. Som kat!”✧

Mi kere. Anutu itunu, ni keteene su kek. Pa uraata kini ta iur saamba ma toono mi koroɲ ta boozomen na, ni iposop ma imap kat ta alok kek.

---

✧ **3:18:** Mbo 95:11   ✧ **3:18:** Lo 1:34+   ✧ **3:19:** Mbo 78:22; Yo 3:36; Ibr 4:6   ✧ **4:1:** Ibr 12:15   ✧ **4:3:** Mt 11:28   ✧ **4:3:** Mbo 95:11; Ibr 3:11,14

<sup>4</sup> Pa sua kini lwoono ta iso pa aigule ta iwe lamata mi ru pa na ta kembei:

Indeeṅe uraata iwe lamata mi ru na, Anutu ke-teene su pa uraata kini ta boozomen.✧

<sup>5</sup> Mi sua ta aṅzzo pa i na iso ta kembei:

Toono ta aṅur pizin be tila ma keten su mi timbot ambai pa na, zin ko irao tilela na som. Som kat!✧

<sup>6</sup> Sua mbukṅana ki Anutu ta iso ni ko ikam zin tomtom ma keten su, ina imendernder men i. Tana tomtom pakan kola tire ka ṅonoono. Mi zin wal tau muṅgu tileṅ sua ambaiṅana tana na, tire ka ṅonoono som. Pa tileṅ mi tizooro tau.

<sup>7</sup> Uunu tina ta Anutu iur mazwaana toro be ikam wal kini ma keten su. Kere. Ndaama boozo kat ilae, mi kaimer mana, Dabit iwe Anutu kwoono mi iso ka sua, kembei ta aṅso ma ila kek na.

Koozi, sombe kelenṅ kalṅoṅ, na kelenṅtut sua pepe.

Kokena kakam zoroṅana.✧

Sua ta “koozi” ti, ina iswe kembei ni iur mazwaana toro be ikam zin tomtom ma keten su.

<sup>8</sup> Kozobe Yosua ikam zin Israel ma tila ma keten su mi timbot ambai kat su toono Kanaan, so Anutu irao iso mini pa mazwaana toro na som.✧

<sup>9</sup> Tana sua ti iswe ta kembei: Sua mbukṅana ki Anutu ta iso ni ko ikam wal kini ma keten su kembei ta ni keteene su pa aigule ta iwe lamata mi ru pa na, ina imendernder men.

---

✧ 4:4: Un 2:2+ ✧ 4:5: Mbo 95:11 ✧ 4:7: Mbo 95:7+ ✧ 4:8: Yos 22:4

10 Mi tomtom ta so Anutu ikami ma keteene su, nako itunu uraata kini imap mi keteene su kat, kembei ta Anutu keteene isu pa uraata kini na.✧

11 Tana sua mbukɲana ta iso Anutu ko ikam ti ma ketende su na, iti takam kinkiini be tere ka ɲonoono. Kokena tomtom sa ito zin Israel pa zooroɲana kizin, mi itop pa urlaɲana kini.✧

### *Anutu sua kini na, mataanaɲana kat*

12 Anutu sua kini na, mata yaryaaraɲana mi ikamam uraata raama mburaana biibi. Pa sua kini mataanaɲana kat ma ilip pa buza ta mata mbaaruna i. Tana ɲgalɲgal kat lelende, mi ipit-pelelele ɲgar kiti, mi izzo iti pa ɲgar ɲgoi ta imar pa Bubuna, mi ɲgar ɲgoi ta itundu ɲgar kiti men. Mi ɲgar turkeɲana ta imbotmbot la lelende na, sua kini izzwe mi itirtiiri.✧

13 Zin koron ta Anutu iur na, sa ike pini som. Pa ni mataana molo. Tana koron turkeɲan mi rekeɲan ta boozomen imbot mat pini. Mi iti ta boozomen kola temender la ni mataana be toso sua kiti mi ni itiiri ti.✧

### *Yesu ni patoronɲana ka tomtom biibi ɲonoono*

14 Tana iti lende tomtom zaanaɲana ta kek. Ni Anutu itunu Lutuunu, Yesu. Ni ta patoronɲana ka tomtom biibi ɲonoono. Mi ikam runɲundu ma isala kat ki Anutu ta saamba kek, be imender piti mi iwe kwondo. Tana iti tikis kat urlaɲana kiti ta tezzwe na.✧

---

✧ **4:10:** Tur 14:13 ✧ **4:11:** Ibr 3:18+ ✧ **4:12:** Ep 6:17; Tur 1:16 ✧ **4:13:** Mbo 33:13+, 90:8; Mbo 139:1+; 2Kor 5:10 ✧ **4:14:** Ibr 3:1,14, 6:11, 10:19+, 10:35+

<sup>15</sup> Nonoono, iti mburanda biibi som. Tamen patoronjana ka tomtom kiti tana, ni leleene izanzaana piti mi imuṅaiṅai iti. Pa toombojana boozomen ta tiwedet piti i, ta tipet pini tomini, mi ni iyamaana kek. Tamen ni na, itop som.✧

<sup>16</sup> Tana iti lelende iwe ru pepe, mi tomoto be tala koloujana pa Anutu pepe. Pa ni ta imbutultul se Biibi muriini na, kampenana katuunu. Tana sombe patajana sa indeenje iti, na ni ko imuṅai iti mi iuulu iti pa.✧

## 5

### *Krisi, ni patoronjana ka tomtom kembei ta Melkizedek*

<sup>1</sup> Zin bibip ta boozomen kizin patoronjana kan na, Anutu ipeikat zin la tomtom mazwan, mi iur zin be timender pizin tomtom, mi tipazalzal koron ta boozomen ila kini. Tana zin timbot be tikam patoronjana pa sanaana kizin tomtom mi patoronjana pakan tomini.✧

<sup>2</sup> Mi zin tiute: Zin tomini timbol som, mi tika-mam ṅoobo mbulu. Tana zin wal tau tiute kat Anutu sua kini som mi tipaṅoobo pa na, zin bibip kizin patoronjana kan tikeke pizin som.

<sup>3</sup> Ingi kembei tabe tikamam patoronjana pa Anutu be ireege zitun sanaana kizin muṅgu, mana tikam pa sanaana kizin tomtom pakan.✧

<sup>4</sup> Uraata ki biibi kizin patoronjana kan na, uraata biibi mi zaanaana. Mi tomtom sa irao iserseere mi iur itunu pa na som. Bela Anutu

---

✧ **4:15:** Mt 4:1+; 2Kor 5:21; Ibr 2:17; 1Pe 2:22; 1Yo 3:5 ✧ **4:16:** Ep 2:18, 3:12; Ibr 10:19+; 1Yo 3:21 ✧ **5:1:** Ibr 8:3 ✧ **5:3:** Ibr 7:27, 9:7

itunu iboobi mi iuri pa, kembei ta munḡu ikam pa Aron na.

<sup>5</sup> Tana Kriṣi ta kembena. Ni ipakur itunu mi iur itunu ma iwe patoronḡana ka tomtom som. Ina Anutu itunu ta iuri. Kere. Munḡu Anutu iso pini ta kembei:

Nio lutuḡ ta nu na.

Koozi nio aḡwe nu tomom.✧

<sup>6</sup> Mi sua kini lwoono toro iso ta kembei:

Nu ko we patoronḡana ka tomtom kembei ta Melkizedek,

mi mbotmbot ta kembei ma alok.✧

<sup>7</sup> Indeeḡe ta Yesu imbotmbot su toono na, itaḡoro Anutu mi ikam sunḡana pini raama tiḡiizi biibi. Pa ni iute: Anutu, ni irao be ikamke i pa meeteḡana. Mi Anutu ileḡ sunḡana kini tana. Paso Yesu ikototo itunu mi itoto Anutu kalḡaana.✧

<sup>8</sup> Nonoono, ni Anutu lutuunu. Tamen pataḡana ta ni ibaada na, ina ipaute i kat pa mbulu ki toto Anutu leleene pa koroḡ ta boozomen.

<sup>9</sup> Mbulu ta Anutu iur pini na, ni ito ma imap. Tanata ikam ma ni irao kat be ikamke zin tomtom. Tana zin wal ta so tileḡ la kalḡaana, na ni ko ikamke zin ta boozomen ma timbot ambai ma alok.✧

<sup>10</sup> Pa ni, Anutu iuri ma iwe biibi ḡonoono pa patoronḡana kembei ta Melkizedek be imender pizin tomtom mi Anutu.✧

### *Tezem urlaḡana kiti pepe*

---

✧ 5:5: Mbo 2:7; Mt 3:17; Ibr 1:5 ✧ 5:6: Un 14:18+; Mbo 110:4; Ibr 6:20, 7:1+ ✧ 5:7: Mk 14:35+; Yo 12:27; Nḡo 2:24; Pil 2:8 ✧ 5:9: Ibr 2:10 ✧ 5:10: Ibr 2:17, 5:6, 7:1+

11 Niam leyam sua boozo pa Krisi mi uraata kini. Mi sombe anla leleene pa, inako ipata piom. Pa niom tina kelenjil suaŋoyom.

12 Anutu sua kini na, niom kakam ta munju kek. Tana anjdemeere yom mi anjo ko kapaute wal pakan pa Krisi kek. Mi som. Ingi kewe kembei zin wal tau popoŋan pa sua ki Anutu i. Pa sua rauraŋana ta mat kana i, niom kusu mi kakankaana pa. Parei, ko tomtom sa ima mi iso yom pa mini? Ingi kembei kiwinin tui men. Karao pa kini mbolŋana zen.✧

13 Tomtom ta imbotmbot se ki tui men na, ni kembei ta pikin i. Pa sua ta iso pa mbulu ndeenjŋana na, ŋgar kini imbol pa zen.✧

14 Mi kini mbolŋana, ina koronj kizin kolman. Pa mbulu boozomen ta iwedet pizin, ina ipaute zin ma ŋgar kizin ipet kek. Tana zin tirao be tikilaala mbulu ingoi ta ambainjana, mi ingoi ta sananŋana.✧

## 6

1-2 Zin wal ta so popoŋan pa sua ki Anutu na, mataana mi tapaute zin pa koronj ta kembei: Mbulu tabe ikam ti ma temetmeete ma tala lende i, na iti bela tezem ma imborene kat, mi totooro lelende mi tuurla ki Anutu. Mi tapaute zin pa

---

✧ 5:12: 1Kor 3:1+; Ibr 6:1+      ✧ 5:13: 1Kor 13:11, 14:20; Ep 4:14

✧ 5:14: Ro 16:19; Pil 1:10

uunu matakiŋa ta tomtom tikamam yok pa i, \* mi mbulu tau tuur namanda isala tomtom uten bekena topombol zin. Mi toso zin pa maŋaŋana kizin wal meetenjan, mi nol biibi tabe Anutu itiiiri iti pa mbulu kiti mi iur kadoono piti. Kadoono tana ko imbotmbot ma alok. Tana sua ta kembena, ta takamam pizin wal popoŋan. Pa ina iwe kembei urlaŋana kiti uunu. Tamen iti wal ta tombot mat ri pa sua ki Anutu kek na, irao talala mi timilmiili pa sua ta kembei men pepe. Toso pa koronjan pakan tomini. Naso njar kiti ize ma tewe kolman pa sua ki Anutu.\*

<sup>3</sup> Tana sombe Anutu leleene, inako takam ta kembena.

<sup>4</sup> Pa kere. Zin wal ta so tipizil kat ndemen pa urlaŋana kizin, inako len zaala sa be titooro zin ma timiili mini na som. Pa Anutu ipei njar kizin ma timbot mat leleene kek. Mi mburaana saamba kana tau Anutu ikampewe iti pa sorok na, zin titoombo ma tiyamaana kek. Pa Bubuŋana ikam uraata pizin kek.\*

<sup>5</sup> Mi tikan la Anutu sua kini ma tiyamaana ka ambaiŋana kek. Mi Anutu mburaana matakiŋa tabe ipet kat mat pa kaimer i, na zin tire tenten kek.\*

---

\* **6:1-2:** Muŋgu tomtom tikamam yok pa uunu boozo. Sombe tomtom sa itoori ma iwe Yuda, na ikam yok. Mi sombe tomtom sa leleene be ito Yoan ta ikamam yok pizin tomtom na, mi iwe nanjan kini, na ni tomini ikam yok. Zin Yuda tinjanjan naman mi tikamam mbulu matakiŋa ki wejana bekena tinjeeze pa Anutu mataana. Mi zin wal ki Kisi tikamam yok bekena tiwe ni lene, mibe tiswe urlaŋana kizin. ✧ **6:1-2:** Pil 3:14 ✧ **6:4:** Mt 12:43+; Yo 1:9; Ga 3:5; Ibr 10:26+; 2Pe 2:20+ ✧ **6:5:** Mbo 34:7



<sup>6</sup> Tana zin wal ta kembei, sombe tisu mini mi tipizil kat ndemen pa urlaŋana kizin, inako len za-ala sa be titooro zin mini som. Pa ina, zin kembei tipun Anutu Lutuunu sala ke pambaaraŋana mini, mi tipamianji ila iwal biibi matan.✧

<sup>7</sup> Toono ta so yaŋ izzu pa ma ipembesmbeeze mi ipiyotyooto koronj ambaimbainjan pizin tomtom ta tikamam uraata pa, inako kampenjan ki Anutu imbotmbot se ki.

<sup>8</sup> Tamen toono ta so ipiyooto koronj ambainjana sa som, mi ipiyotyooto ro mi wooro matan-matanjan men, na ire i. Pa sombe imbotmbot men ta kembei, na kaimer Anutu kete malmaljanana kini ko ise ki toono tana, mi you ikan ma ila ne.✧

<sup>9</sup> O niom wal tio ta leleŋ piom ilip na, ŋonoono, inŋi amkam sua kekejanana ri piom. Tamen niam amute yom kek. Niom kembei toono ambainjana. Tana niam amurla kembei Anutu ko ikamke yom ma kombot ambai.

<sup>10</sup> Pa ni irao be ikam ŋoobo mbulu sa na som. Mi ni iute uraata tiom ramaki mbulu tiom tau kuurur leleyom pini, mi ku'uluulu wal kini potomjan ta muŋgu mi imar. Mbulu tiom tana, ni irao be mataana mbelelee na som.✧

<sup>11</sup> Mi niam leleyam be niom ta boozomen moyom siŋsiŋ pa mbulu ki Anutu. Tana leleyom iwe ru pepe. Kikiskis urlaŋana tiom ma irao kere kat koronj ambainjana ta kuurur moyom pa i.✧

<sup>12</sup> Kokena keleŋsil sua mi kekeenemeete pa. Koto zin wal ta urlaŋana ipombolmbol zin ma timender mboljanana pa patanjanana. Pa ina zin wal ta

---

✧ **6:6:** Ibr 10:26+; 2Pe 2:20+; 1Yo 5:16 ✧ **6:8:** Mt 3:10, 7:19; Lu 13:6+ ✧ **6:10:** Mt 10:40+, 25:40; 1Kor 15:58; 1Tes 1:3 ✧ **6:11:** Ibr 3:6, 4:14, 10:36, 12:1

kembei, ta ko tikam matamur ambaiɲana ta Anutu imbuk sua pa na, mi tire ka ɲonoono.✧

*Tuurla sua mbukɲana ki Anutu kembei Abaraam*

<sup>13</sup> Indeeɲe ta Anutu imbuk sua pa Abaraam na, tomtom sa tau ilip pa Anutu be ni ipaata zaana mi ipombol sua kini pa i na som. Tanata ipaata itunu zaana pa sua kini mbukɲana tana ma ipombol pa.

<sup>14</sup> Isombe:  
 ɲonoono kat. Nio ituɲ kola aɲkampe u, mi aɲkam popoɲana ku ma timasak ma tiwe boozo kat.✧

<sup>15</sup> Mi Abaraam iurla sua mbukɲana tana. Tanata iurur mataana pa, mi izza ma ila ila ma ire ka ɲonoono.

<sup>16</sup> Iti tomtom takamam mbulu ta kembei. Sombe taparzooro pa koron sa, na tapaata tomtom sa ta ni biibi ma ilip piti na zaana. Naso tomtom tina zaana ipombol sua kiti mi ipumun waende bizin kwon ma sua kizin imap.✧

<sup>17</sup> Mi Anutu ta kembena. Matamur ta ni imbuk sua pa be ikam piti na, ni irao be itooro mini ɲgar kini pa na som. Tanata ipaata itunu zaana pa sua kini mbukɲana beken a ipombol pa ma imbol kat. Kokena iti ta zanda pa matamur tana lelende iwe ru pa.

<sup>18</sup> Tana iti ta toko ma tala ki Anutu na, lende koron ru ta ipombol ti. Mi koron ru tana, ni irao ikam pakaamɲana pa, som itooro ɲgar kini pa na som. Som ma som kat. Ta na, sua kini mbukɲana. Mi toro na, itunu zaana ta ipaata beken a ipombol

✧ **6:12:** 2Tes 1:4; Yems 1:3+; Tur 14:12 ✧ **6:14:** Un 22:16+

✧ **6:16:** Kam 22:10+

sua mbukɔɔana tana. Koron ru tana tipombol kat iti be tikiskis urlaɔana kiti, mi tuurur matanda pa koron ambaiɔana tabe takam pa kaimer i.✧

19-20 Koron ambaiɔana tau tuurur matanda pa i, ina ikis ti ma tunɔun, kembei woongo ta timbit ka re mbolɔana ila patmbu bekena tun ma imbot. Pa Ni ta iwe zaala pa koron tana, ta imuungu piti, mi ilela ruumu leleene ta potomɔana nonoono i, mi ilela kat ki Anutu ta saamba a. Mi iwe patoronɔana ka tomtom biibi nonoono kek, kembei ta Melkizedek. Tana ni ko imender be ipazal sua pizin tomtom mi Anutu, mi iseenge iseenge ma ila.✧

## 7

*Melkizedek ilup uraata ru. Pa ni king, mi patoronɔana ka tomtom zaanaɔana*

<sup>1</sup> Niom ko motoyom ingal. Melkizedek tana, ni king ki kar Salem, mi patoronɔana ka tomtom ki Anutu kor kana kat. Mazwaana ta na, Abaraam zinan king pakan tiporou ma Abaraam ilip pizin, to imiili na indeenje Melkizedek inamnaami. Ise kini, to ni ipomboli.✧

<sup>2</sup> To Abaraam imanga na, ipeete mburu ta iyo pa malmal na, ma iwe pakaana laamuru, mi ikam pakaana ta ila ki Melkizedek.

Ayo, sua tio mataana kana na, Melkizedek zaana ka uunu ta kembei: ‘king ki mbulu ndeenɔana.’ Mi ni imborro kar Salem. Salem ka uunu ta kembei: ‘mbulu luumuɔana,’ som

✧ **6:18:** Ro 8:24+; Tit 1:2; Ibr 12:1 ✧ **6:19-20:** Mbo 110:4; Ibr 3:1, 5:6,10, 9:11,24 ✧ **7:1:** Un 14:17+

‘mbotɲana ambaiɲana.’ Tana ni king ki mbulu luumuɲana mi mbotɲana ambaiɲana.

<sup>3</sup> Mi koronɲ toro tomini. Iti tapaata sua ki Merere na, tendeeɲe sua sa ta iso pa Melkizedek tamaana ma naana mi uunu ta ipet pa i na som. Mi pepe kini uunu, mi meeteɲana kini tomini, tibeede ka sua sa som. Tana ni iwe kin ambaiɲana pa Anutu Lutuunu. Pa Krisi, ni patoronɲana ka tomtom ta imender piti tomtom mi Anutu, mi imbotmbot ta kembei ma alok.✧

<sup>4</sup> Tana kere. Munɲu tumbundu Abaraam ipeete mburu ta iyo pa malmal na ma iwe pakaana laa-muru, mi ikam pakaana ta ambaiɲana ma ilip na, ma ila ki Melkizedek. Mbulu tana iswe kembei Melkizedek, ni zaanaɲana kat.

<sup>5</sup> Ayo, takam nɲar pa tutu ta kaimer Anutu ikam pizin Israel na. Nonoono, Lebi poponɲana kini ta tiwe patoronɲana ka tomtom bizin na, ziɲan iwal biibi ki Israel, zin tonmatiziɲ tau. Pa timap ma tiyooto pa Abaraam. Tamen tutu iur sua ta kembei: Sombe iwal biibi ki Israel tipeete koronɲ kizin, mi tiur pakaana ta be iwe Anutu lene, na pakaana tana ilala ki Lebi poponɲana kini men.✧

<sup>6</sup> Mi Melkizedek na, uunu ipet pa Lebi som. Tamen mburu tau Abaraam iyo pa malmal na, ni ikam pakaana ta ma ila ki Melkizedek. Kere. Abaraam zaana biibi kat. Pa Anutu imbuk sua pini pa koronɲ boozo. Tamen ni ila ipet ki Melkizedek na, Melkizedek ta ipomboli.✧

<sup>7</sup> Mi iti tuute: Tomtom ta so ipombol tomtom toro, na ni ta iwe biibi. Tana Melkizedek, ni ilip pa Abaraam.

8 Mi koronj toro tomini. Lebi poponjana kini tau tiyyo koronj ta tomtom tikamam pa Anutu na, tikiskis uraata kizin ma alok som. Tikamam ma tila, to timetmeete, mi wal pakan tikel zin. Ta kembei kembei mi ila. Mi Melkizedek ta Abaraam ikam mburu pakan ma ila kini na, tibeede sua sa pa meetenana kini som. Tana ni iwe kin pa Ni ta imbotmbot ma alok i.✠

9-10 Mi indeenje ta Abaraam ikam koronj ma ila ki Melkizedek na, tere kembei poponjana ki Lebi naman imbot la tomini. Nonoono, indeenje ta Melkizedek ise ki Abaraam na, Lebi tipeebi zen. Tamen kaimer ni iyooto pa poponjana ki Abaraam.

*Yesu ni kembei ta Melkizedek. Tana uraata kini ilip pa uraata tau zin patoronjana kan kizin Israel tikamam*

11 Munngu, indeenje ta zin Israel tikam tutu na, Anutu iur Lebi mi poponjana kini men be timboro patoronjana ka uraata. Mi tutu ta imborro zin Israel na, imendernder se uraata kizin. Lak, sombe uraata kizin tana iurpe zin tomtom ma tinjeeze kat pa Anutu mataana, na parei ta Anutu isu mini mi iso pa patoronjana ka tomtom toro tabe imar? Pa ni iso pa patoronjana ka tomtom tabe ipa ndel pa Aron. Tomtom tana ko kembei ta Melkizedek.✠

12 Mi kere. Sombe patoronjana ka uraata ila tomtom toro namaana, na tutu tomini bela itooro.✠

13-14 Patoronjana ka tomtom ta amzzo pini i, ina Merere kiti tau. Ni ipet pa uunu ki Lebi som. Ni ipet pa uunu ki Yuda. Mi iti tuute: Ta munngu mi

---

✠ **7:8:** Ibr 5:6, 6:20 ✠ **7:11:** Kam 40:12+; Ga 2:21 ✠ **7:12:** Lu 16:16; Ro 10:4; Ga 3:24+; Ibr 7:18+, 8:13

imar na, poponjana sa ki Yuda zaana pa uraata ki patoronjana som. Pa indeenje ta Mose iso pa uraata ki patoronjana na, kwoono ila pa poponjana ki Yuda som.✧

*Anutu ipekel zaala munḡunjana ki tutu pa zaala poponjana ta ambaijana ma ilip*

<sup>15</sup> Sua ta amkamam, ta inḡi ko ka nḡar iwedet piom i. Koozi patoronjana ka tomtom toro kembei ta Melkizedek ipet kek.

<sup>16</sup> Tutu iso ta kembei: Bela tomtom siḡ kini ipet pa Lebi, tona iwe patoronjana ka tomtom. Tamen Yesu, ni iwe patoronjana ka tomtom pa zaala tana som. Uunu imbot la ni itunu mburaana tau ikami ma imbotmbot ma alok.

<sup>17</sup> Pa Anutu sua kini iso ta kembei: Nu ko we patoronjana ka tomtom kembei ta Melkizedek,

mi mbotmbot ta kembei ma alok.”✧

<sup>18-19</sup> Zaala munḡunjana na, mburaana biibi som, mi iuulu kat zin tomtom som. Pa ina irao ikam zin ma tinḡeeze kat na som. Tanata Anutu ipekel pa zaala ta ambaijana ma ilip. Zaala tana na, Yesu itunu tau. Pa ni ta ikam ti ma tarao be tala koloujana kat pa Anutu. Tanata iti tuurur matanda pini.✧

<sup>20</sup> Ni, Anutu imbuk sua pini, mi ipaata itunu zaana pa sua tana bekena ipombol, mi iuri ma iwe patoronjana ka tomtom. Mi Lebi ziḡan poponjana kini na, Anutu ikam mbulu sa ta kembei pizin som.

---

✧ **7:13-14:** Un 49:10; Mt 1:1, 2:6; Tur 5:5 ✧ **7:17:** Mbo 110:4; Ibr 5:6 ✧ **7:18-19:** Yo 1:17; Ro 8:3+, 10:4; Ga 3:24; Ep 2:18; Ibr 7:12, 8:13

21 Tana indeenje Yesu iwe patoronjana ka tomtom na, Anutu imbuk sua mboljana kat pini. Pa Anutu sua kini iso ta kembei: Merere, ni imbuk sua mboljana pu kek. Mi ni irao be itooro ngar kini mini na som. Nu ko we patoronjana ka tomtom, mi mbotmbot ta kembei ma alok.✠

22 Tana zaala poponjana tabe itiyan Anutu taparlup ti ma tewe tamen pa i, ina ambai ma ilip pa zaala munjonana. Mi Yesu itunu ta imender piti pa zaala tana.✠

*Yesu, ni patoronjana ka tomtom ta irao kat be ikamke iti*

23 Munju na, patoronjana ka tomtom bizin boozomen. Paso, meetenjana iyembutmbut uraata kizin. Pakan tikam ma tila mi timeete, to pakan tikel zin. Ta kembei kembei mi ila.

24 Tamen patoronjana ka tomtom kiti Yesu na, uraata kini ko irao imap na som. Pa ni imbotmbot ta kembei men ma alok.

25 Tana zin wal ta so tiurla kini bekeni tila ki Anutu, na ni mburaana irao be ikamke zin ma ikamke zin kat. Paso, ni imbotmbot totomen, mi ikamam runjundu ma izunzun Anutu be iuulu ti.✠

26 Yesu, ni patoronjana ka tomtom ta kembei, tana ni irao kat be iuulu iti. Pa ni le uunu sananjanana sa som, mi ni potomjanana, mi mbulu kini ingeeze men. Mi toono ti ta sanaana muriini na, ni imbotmbot pa mini som. Pa Anutu ikami ma isala kini ta saamba a kek.✠

---

✠ 7:21: Mbo 110:4 ✠ 7:22: Ibr 8:6, 12:24 ✠ 7:25: Ro 8:34; 1Yo 2:1 ✠ 7:26: 2Kor 5:21; Ibr 4:14+

<sup>27</sup> Tana ni kembei ta zin bibip pakan kizin patoronjana kan som. Pa zin na, aigule ta boozomen tikamam patoronjana beken a Anutu ireege zitun sanaana kizin munju, mana tikamam pa sanaana kizin iwal biibi. Mi Yesu, ni le sanaana sa tabe ikam patoronjana pa i som. Mi patoronjana ta ni ikam beken a ireege sanaana kizin tomtom, ina tomini boozo som. Izem itunu ma imeete pa tamen nonono mi imap. Patoronjana toro sa mini som.✠

<sup>28</sup> Zin bibip kizin patoronjana kan mburan biibi som. Mi tutu iso, tabe tiurur zin pa uraata kizin. Tamen kaimer Anutu imbuk sua mboljana pa Lutuunu, mi ipaata itunu zaana pa sua tana beken a ipombol ma imbol kat, mi iuri ma iwe patoronjana ka tomtom. Paso, Lutuunu ikam kat mbulu ta Anutu iur pini na ma imap. Tabe ikam ma ni irao kat pa uraata kini. Mi ko imbotmbot ta kembei maa alok.✠

## 8

*Krisi, ni imbotmbot saamba mi ikamam uraata kini su Anutu kereene uunu*

<sup>1</sup> Sua boozomen tau amzzo i, na ka uunu ta kembei: Koozi, iti lende patoronjana ka tomtom biibi nonono. Ni mbuleene su Anutu ta Biibi nonono na namaana woono ta saamba a. Tana imbot koloujana pa Anutu muriini peeze kana kek.✠

<sup>2</sup> Mi ikamam uraata su ruumu leleene ta potonjana nonono kat ta imbot la beeze nonono

---

✠ **7:27:** Ro 6:10; Ibr 5:3, 9:12, 10:28; 1Pe 3:18 ✠ **7:28:** Ibr 2:10, 5:1+, 7:23 ✠ **8:1:** Mk 16:19; Ep 1:20; Ibr 1:3, 4:14



ki Anutu ta saamba a. Beeze tana, tomtom tipamender som. Anutu itunu ta ipamender.✧

<sup>3</sup> Bibip ta boozomen kizin patoronjana kan na, tomtom tiur zin be tikam patoronjana pa sanaana mi patoronjana pakan tommini. Mi patoronjana ka tomtom biibi nonono kiti ta kembena. Irao namaana men mi ila ki Anutu na som. Ila raama le patoronjana tommini.✧

<sup>4</sup> Kozobe Yesu imbotmbot men su toono, so irao zaana sa pa uraata ta ki patoronjana i som. Som kat. Pa ka tomtom bizin ta timbotmbot pataaᅇ kek. Mi ina zin tau tikamam patoronjana kembei ta tutu iso na.

<sup>5</sup> Tamen zin timbesmbeeze pa Anutu lela beeze toono kana men. Beeze tana, koron nonono som. Ina beeze nonono ki Anutu ta imbotmbot saamba a kunuunu men. Uunu tinᅇi tabe indeeᅇ tau Mose ipamender beeze ki Anutu na, Anutu iur sua pini ma isombe: “Beeze ka mos ta anso u pa sala abal na, kozo rre, mi to kat.”✧

<sup>6</sup> Mi koozi, uraata ki patoronjana ta Anutu iur Yesu pa ma ikamam i, ina ilip kat pa uraata ta zin patoronjana kan tikamam su toono na. Mi zaala poponjana ta koozi Anutu zinan zin tomtom tiparluplup zin pa i, ta kembena. Ilip kat pa zaala munᅇjana. Mi ka sua mbukᅇan ta ambaimbaiᅇan ma ilip tommini. Zaala poponjana tana ipet pa uraata ki Yesu. Pa ni ta imender piti mi Anutu, mi ilup ti ma tewe tamen.✧

<sup>7</sup> Kozobe zaala munᅇjana ambai kat, so irao Anutu ipekel mini pa zaala poponjana ti som.✧

---

✧ **8:2:** Ibr 9:11,24   ✧ **8:3:** Ep 5:2; Ibr 5:1, 9:12   ✧ **8:5:** Kam 40:1+; Nᅇo 7:44; Kol 2:17; Ibr 10:1   ✧ **8:6:** 2Kor 3:6+; Ibr 7:22  
✧ **8:7:** Ibr 7:11,18, 10:1

8 Tamen Anutu ire kembei gorgori tomtom titoto kat zaala munḡuḡana som, mi tikamam ḡoobo mbulu. Tanata Merere iso ta kembei:

Kere. Mazwaana sa kola imar.

Tona nio aḡur zaala popoḡana pizin Israel mi Yuda be niamḡan amparlup yam ma amwe tamen.✧

9 Zaala tana ko ipa ndel pa zaala munḡuḡana ta aḡur pa tumbun bizin na.

Indeeḡe tau aḡyaaru zin Israel ma tizem Aikuḡtu na, aḡso zin pa zaala munḡuḡana tana.

Tamen tito som, tana aḡpizil ndemeḡ pizin.✧

10 Zaala popoḡana tabe aḡur pizin Israel i, ko ta kembei:

Kaimer, nio ituḡ ko aḡkam tutu tio ma imbol la ḡgar kizin,

mi aḡbeede la lelen tomini.

Mi nio ko aḡwe Anutu kizin,

mi zin ko tiwe wal tio.✧

11 To tomtom sa ko le uraata be ipaute zin tomtom pa Merere mini som.

Mi tomtom sa ko iso pizin toḡmatiziḡ kini ma iso: ‘Aiss, niom sombe kuute Anutu, so ndabok!’ na som.

Pa zin ta boozomen ko tiute yo lup.

Zin sorrokḡan, mi ila ila ma zin ta zan bibip i tomini.✧

12 Mi sanaana kizin na, nio ko aḡreege ma ila lene lup,

mi motoḡ la pa mini som.”✧

✧ 8:8: Yer 31:31+ ✧ 8:9: Kam 19:5+, 20:1+ ✧ 8:10: Ezek 36:25+; 2Kor 3:3; Ibr 10:16 ✧ 8:11: Yesa 54:13; Yo 6:45; 1Yo 2:27

✧ 8:12: Ro 11:27; Ibr 10:17

<sup>13</sup> Kere. Sombe Anutu izzo pa zaala popoŋana, ina iswe kembei zaala mataana kana iwe muŋguŋana mi ikamam be imap. Mi koron ta kembei, nako molo som to imap kat.✧

## 9

*Zaala muŋguŋana, ina irao ikam ti ma tala kolouŋana kat pa Anutu na som*

<sup>1</sup> Zaala mataana kana na, ka tutu ta iso pa mbulu ki sunŋana mi beeze potomŋana ki Anutu ta imbot toono na.

<sup>2-3</sup> Beeze tana, tipamender, to tididiut pa kawaala biibi ma leleene iwe ru. Leleene ta na, tipaata be lele potomŋana. Ina lam muriini mi mbalia ta timbot pa. Mbalia tana, tingasngas narabu potomŋan ize be Anutu ire. Mi leleene ta kawaala biibi iut ma iwe ru pa, ina tipaata be lele ta potomŋana ŋonoono kat.✧

<sup>4</sup> Beeze leleene tana, you muriini ta tiurpe pa pat gol na, imbot lela. You muriini tana, ina be tirukruk koron kuzinŋan isala. Mi Sua Mbukŋana Ka Koror ta tipakap gol ila leleene mi mat kana, ina imbot lela tomini. Koror tana leleene na, koron pakan imbotmbot. Koron ta kembei: Kuuru ta tiurpe pa pat gol mi tiyo kini manna pakan isula na, mi Aron tete kini ta indom na, raama pat babanŋan ru ta tutu laamuru imbot se na. Tutu tana, bela tito ma imap, to zinŋan Anutu tilup zin ma tiwe tamen. Ina zin koron tina, ta timbot sula koror leleene.✧

---

✧ **8:13:** Lu 16:16; Ro 10:4; Ga 3:24; Ibr 7:18, 9:10 ✧ **9:2-3:** Kam 25:31-40 ✧ **9:4:** Kam 16:33

<sup>5</sup> Mi koror kwoono na, koron ru ta tisap ma kembei ta anjela na, timbot sala. Koron ru tana tiwe kilalan pa azunka ki Anutu ma mburaana, mi tiswe kembei ni imbotmbot raama zin Israel. Mi koror tana kwoono, ina tipaata be munainjana muriini. Tamen ko irao amla leleene pa sua tingi ta buri na som.

<sup>6</sup> Indeeje ta tiurpe zin koron tina mi tipamender ma imap na, zin patoronjana kan timanga be tikam uraata kizin. Aigule ta boozomen tilelala ruumu leleene ta ipet ki mat na, mi tikamam uraata kizin.

<sup>7</sup> Mi biibi kizin itutamen ta ilelala ruumu leleene ta potomjana nonoona kat na. Tamen ilelala pa aigule tamen nonoona ikot ndaama tataja. Mi irao namaana men mi ilela na som. Bela ikam mbili sirin, to ilela raama. Ilela to, mataana mi ikam patoronjana pa itunu sanaana kini munju. Mana ikam pizin tomtom tau tikilaala kat mbulu kizin som, mi tikam sorok sanaana.✧

<sup>8</sup> Mbulu ta tikamam pa beeze tana na, Bubunana Potomjana ipiyooto ka ngar piti ta kembei: Sombe beeze tana imendernder men, na zaala tabe tomtom tila ma tigarau kat Anutu i, na imbot mat zen.✧

<sup>9</sup> Tana beeze tana iwe kin piti ta koozi ta kembei: Zin tomtom ta titoto zaala munjunana mi tikamam patoronjana pa mbili mi koron pakan na, koron tina ko irao iurpe zin ma lelen ingeeze kat na som.✧

<sup>10</sup> Pa patoronjana ta kembei, ramaki tutu matakinja ta iso pa koron ta takanan mi tiwinin, mi tutu matakinja ki wejana na, koron ta boozomen tana, ina koron mat kana men. Mi irao be iurpe

---

✧ 9:7: Wkp 16:2-34; Ibr 5:2+ ✧ 9:8: Yo 14:6; Ibr 10:19+ ✧ 9:9: Ga 3:21; Ibr 10:1+

lelende ma inġeeze kat pa Anutu mataana na som. Tana Anutu iur zaala ta kembei be imbot rimen ma irao ni ipiyooto zaala popoŋana ma ipet mat.✠

*Krisi sinjiini ta iwe zaala popoŋana piti be itinjan Anutu taparlup ti ma tewe tamen*

<sup>11</sup> Mi koozi zaala popoŋana tana imbot mat. Pa Krisi ta patoroŋana ka tomtom biibi ŋonoono i, imar kek. Ni ta iwe zaala piti ma takamam koron ambaimbaiŋan ki Anutu. Pa ni ilela beeze ŋonoono ta imbot saamba a, mi ilela kat ki Anutu. Beeze tana, koron ndabokŋana kat. Ilip pa beeze ta muŋgu zin Israel tipamender. Pa beeze ŋonoono tana, tomtom tipo som, mi imbot toono som. Imbot ta saamba a.✠

<sup>12</sup> Indeeŋe Krisi ilela kat ki Anutu na, ikam mbili sa sinjiini be ikam patoroŋana pa i som. Ikam itunu sinjiini \* ma ilela ruumu leleene ta potomŋana ŋonoono kat na, mi ikam pa Anutu, bekeni ni ireege sanaana kiti mi ikamke iti ma tombot matanda yaryaara ma alok. Mi uraata tana, ni ikam pa boozo som. Ikam pa tamen ŋonoono mi imap. Irao ikam mini som.✠

<sup>13</sup> Kere. Zaala muŋguŋana na, sombe koron mat kana sa ikam zin tomtom ma tinġeeze pa Anutu

---

✠ **9:10:** Wkp 11:2+; Nam 19:7; Ro 10:4; Ga 3:24+; Kol 2:16+; Ibr 7:18, 8:13    ✠ **9:11:** Ibr 4:14, 8:1+, 9:24    \* **9:12:** Krisi sinjiini, ina imender pa uraata kuni tau ibaada sanaana kiti ka kadoono mi imeete sala ke pambaaraŋana na.    ✠ **9:12:** Ibr 10:10+; 1Pe 1:19

mataana som, † tona titiyaara mbili sa siñjiini, som makau pañgaara gubuunu isalakaala zin. Naso tiñgeeze mini, mi irao timiili pa sunñana ma koronj.✠

14 Lak, sombe mbili siñjin irao ikam uraata ta kembei, nako parei pa Kriisi siñjiini? Ina mburaana biibi kat. Irao ipus lelende ma iñgeeze kat, mi ikam ti ma tezem mbulu soroksorok tabe ikam ti ma temetmeete ma tala lende pa i. Naso tembeeze kat pa Anutu mata yaryaarañana. Pa Bubunñana ta imbotmbot ma alok i, ta ipombol Kriisi mi izem itunu ma imeete piti. Mi patoronñana ta ni ikam pa Anutu na, ndabokñana kat. Kosa sa isaana som.✠

15 Tana zin wal ta Anutu iboobo zin ma tiwe lene na, Kriisi iurpe zaala poponñana pizin, mi ilup zin raama Anutu ma tiwe tamen. Pa sanaana kizin ka kadoono ta zaala muñgunñana iso pa na, ina ni iñgiimi pa meeteñana kini kek. Naso tikam matamur ambainñana ta Anutu imbuk sua pa na. Matamur tana ko imbotmbot ma alok.✠

*Kriisi siñjiini ipombol sua mbukñana poponñana ki Anutu ma imbol kat*

16-17 Sua mbukñana na, ka zaala ta kembei: Bela tipun mbili sa ma imeete, to sua mbukñana tana imbol kat ma irao titooro mini som. Mi sombe tipun sua mbukñana ka patoronñana ma imeete

---

† **9:13:** Zin Yuda tikam ngar ta kembei: Sombe titeege uri sa, som tikan koronj pakan, som kulin mbetmbeete, som moori ipeebe, ina ikam zin ma tiñgeeze pa Anutu mataana mini som. To tikam mbulu pakan be tiurpe zitun ma tiñgeeze mini. Ka sua imbol la Wok Pris 11:1+, 12:1+, 13:1+. ✠ **9:13:** Nam 19:9 ✠ **9:14:** Ro 6:22; Ep 5:2; Tit 2:14; Ibr 10:22; 1Pe 1:18+ ✠ **9:15:** Lu 22:20; Ro 3:25+; 1Tim 2:5

som, mi imbot mata yaryaara men, nako sua mbukɲana tana imbol som.✧

18 Uunu tina ta indeeɲe Anutu ziɲan zin Israel timbuk sua be tiparlup zin ma tiwe tamen na, siɲ kizin mbili ireere.

19-20 Pa Mose iso zin Israel pa Anutu tutu kini ta boozomen muɲgu, mana ikam makau mi mekmek siɲin mi itooro raama yok. To ipiu sipsip rumuunu siɲsiɲana ila ke isop namaana, mi itizik sula siɲ tana. Mi itiyaryaara se ro ta Anutu tutu kini imbot se na, ramaki zin tomtom, mi iso pizin ta kembei: Sua mbukɲana ta Anutu iso piom be koto na, siɲ tiɲgi be ipombol.✧

21 Mi beeze ki Anutu ramaki koronɲ sunɲana kan ta timbot lela na, Mose ikam siɲ mi ikam mbulu raraate men pa tau.

22 Pa sua ta imbot la tutu na, iso ta kembei: Koronɲ ta boozomen, bela siɲ isalakaala, to iɲgeeze pa Anutu mataana. Mi sombe siɲ ireere som, inako sanaana reegeɲana sa som. Mbulu tana, mazwaana tatanɲa men ta tikamam som.✧

### *Krisi ikam patoronɲana tamen ɲonoono*

23 Beeze ta zin Israel tipamender ramaki ka mburu na, koronɲ ɲonoono som. Ina kembei ta koronɲ saamba kan kunun men. Tanata patoronɲana ta tikamam pa mbili siɲin na, irao iurpe ma iɲgeeze pa Anutu mataana. Mi koronɲ ɲonoono ta ki saamba na, bela tikam patoronɲana pa koronɲ ta

---

✧ **9:16-17:** Un 15:9+; Kam 24:6+; Mt 26:28 ✧ **9:19-20:** Kam 24:3+; Mt 26:28 ✧ **9:22:** Wkp 17:11; Ep 1:7

ambainjana ma ilip kat pa mbili sinjin, tona ingeeze pa Anutu mataana.✧

<sup>24</sup> Tana indeenje Kresi imeete mi imanga mini na, ilela lele potomjana nonono ta tomtom tiurpe pa naman i na som. Pa ina kembei koron nonono kunuunu men. Ni ilela lele potomjana nonono ta imbot saamba a. Mi koozi imbotmbot su Anutu kereene uunu, mi ikam runjundu ma izunjun pini be iuulu iti.✧

<sup>25</sup> Zin Yuda na, ndaama ta boozomen biibi kizin patoronjana kan ilelala lele ta potomjana nonono i. Mi sombe ilela, na ilala raama itunu sinjini som. Ilala raama mbili sinjin. Mi Kresi, ni ikam ta kembena som. Izem itunu ma imeete pa tamen nonono bekena ireege sanaana kiti, to ila ki Anutu ta saamba a. Tana ikam uraata tana pa boozo som.

<sup>26</sup> Mibe ikam uraata kembei ta zin bibip kizin patoronjana kan, so indeenje tau Anutu iur saamba ma toono mi imar na, ni imetmeete men. Mi som. Pa indeenje mazwaana ta ti, tabe koron ta boozomen imap pa i na, ni imar pa tamen nonono kat, mi izem itunu ma imeete, bekena ireege sanaana kiti. Tana uraata kini tana, ni ipemet pataana kek. Irao ikam mini na som.✧

<sup>27</sup> Iti tuute: Tomtom ta boozomen kola timetmeete lup. Mi kaimer to timender la Anutu kereene uunu be iur kadoono pizin.✧

<sup>28</sup> Mi Kresi ta kembena. Ikam patoronjana pa tamen nonono, bekena ireege sanaana kizin tomtom boozomen. Mi kaimer ko imiili mini. Tamen marjana kini tabe iwe ru pa i, inako ikam uraata

---

✧ **9:23:** Ibr 8:5   ✧ **9:24:** Ro 8:34; Ibr 4:14, 8:2; 1Yo 2:1   ✧ **9:26:** Ibr 7:27; 1Pe 3:18   ✧ **9:27:** Un 3:19; 2Kor 5:10; Tur 20:12+



pa sanaana mini som. Ina be ikamke zin wal kini ta tiurur matan pini mi tizza i na.✧

## 10

### *Meetenjana ki Krisi ta patoronjana ηonoono*

<sup>1-2</sup> Tutu ta zin Yuda titoto pa patoronjana na, koron ηonoono som. Ina iwe kembei koron ηonoono kunuunu men. Pa ipatoonjo iti pa koron ambairjana ta ipet pa kaimer na. Kere. Ndaama ndaama ta tikamam mbulu raraate men, mi tipunun zin mbili pa patoronjana. Paso, zin wal ta tiso tila ki Anutu mi tisun pini na, patoronjana ta kembei irao iurpe zin ma tinjeeze kat pa Anutu mataana na som. Som ma som kat. Mibe ipus kat zin ma sanaana kizin imap kat, so tiyamaana zitun kembei sanaana kizin ipakaala zin pa Anutu mini som, mi mbili punjana imap.✧

<sup>3</sup> Mi inji som. Pa tinoknok mbili punjana. Tabe ikam ma ndaama ta boozomen matan lala pa sanaana kizin.

<sup>4</sup> Pa makau mi mekmek sinjin irao ireege sanaana na som. Som ma som kat.

<sup>5</sup> Tana indeenje Krisi be isu toono na, iso pa Anutu ma iso:

Patoronjana ta tikamam pa mbili mi koron pakan na, nu lelem pa som.

Mi nu paranranj itun kulinj kek be iwe murinj mi anbot pa. \*✧

---

✧ **9:28:** Mt 26:28; Ro 6:10; Pil 3:20; Tit 2:13 ✧ **10:1-2:** Kol 2:17; Ibr 8:5, 7:19, 9:9+ \* **10:5:** Inji iso pa mazwaana ta Maria ipeebe Yesu isu toono. ✧ **10:5:** Mbo 40:6+, 50:9

<sup>6</sup> Mbulu ta tineneene zin mbili sala artaal ma tiwe gubuunu men, mi tipunun zin mbili beken a tireege sanaana, ina nu lelem pa som.

<sup>7</sup> Tana nio aṅre ma som mi aṅso:

“O Anutu, nio aṅmbotmbot i.

Koṅ sua ta tibeede se ro pataaṅa kek.

Nio aṅmar be aṅto lelem.”

<sup>8</sup> Tana kere. Muṅgu Kri si iso ta kembei: “Patoronṅana ta tikamam pa mbili mi koronṅ pakan, mi mbulu ta tineneene zin mbili sala artaal ma tiwe gubuunu men, ina nu lelem pa som.” Nṅono, mbulu tana, tutu iso ta tikamam. Tamen ni iso Anutu leleene pa mbulu tana som.\*

<sup>9</sup> To isu mini mi iso: “O Anutu, nio aṅmbotmbot i. Nio aṅmar be aṅto lelem.” Sua tiṅgi iswe ta kembei: Zaala muṅguṅana ki patoronṅana na, ni iyembut, mi ipekel pa itunu uraata kini.

<sup>10</sup> Pa Yesu Kri si ito Anutu leleene, mi izem itunu ma imeete pa tamen nṅono beken a ireege sanaana kiti. Mi uraata kini tana, ta ikam ti ma tewe potomṅanda.\*

<sup>11</sup> Zin patoronṅana kan ta boozomen tinoknok mbulu tamen pa patoronṅana ikot aigule ta boozomen. Tamen patoronṅana kizin irao ireege sanaana ma ila ne na som.

<sup>12</sup> Mi Kri si, ni ikam patoronṅana tamen nṅono beken a ireege sanaana kizin tomtom, to isala pa saamba mi mbuleene su ta Anutu namaana woono a. Paso uraata ki patoronṅana ta ni iposop

---

\* **10:8:** Hos 6:6; Mt 9:13, 12:7    \* **10:10:** Yo 17:19; Ro 6:10; Ibr 9:28; 1Pe 2:24

ma imap kek. Mi patoronɲana kini tana mburaana ko imbol, mi imbotmbot ta kembei ma alok.✧

<sup>13</sup> Tana ingi ni imbotmbot saamba mi izza be Anutu ikoto ka koi bizin ma mburan imap kat mi kumbuunu ise ɲuren.✧

<sup>14</sup> Pa patoronɲana kini tamen ɲonoono tana, ina iurpe zin tomtom pataaɲa ma tiɲgeeze kat pa Anutu mataana be timbotmbot ta kembei ma alok. Mi ina zin wal tau ni ikamam uraata pizin be itooro zin ma tiwe potomɲan kat.

<sup>15</sup> Bubunɲana Potomɲana tomini ipombol ti be tuurla sua tiɲgi. Pa mataana mi isombe:

<sup>16</sup> Zaala poponɲana tabe aɲur pizin Israel i, ko ta kembei:

Kaimer, nio ko aɲkam tutu tio ma imbol la lelen, mi aɲbeede la ɲgar kizin tomini.✧

<sup>17</sup> To iseɲge sua kini ma iso:

Mi sanaana mi zoroɲana kizin na, nio ko aɲreege, mi motoɲ la pa mini som.”✧

<sup>18</sup> Tana kere. Sombe Anutu ireege sanaana kek, na iti irao be takam mini patoronɲana sa pa sanaana reegenɲana na som.

*Tala kolounɲana pa Anutu raama lelende, mi tuurla kat kini*

<sup>19-20</sup> Tana niom toɲmatiziɲ tio, iti lelende iwe ru mini pepe, mi tomoto mini pepe. Koozi iti tarao be telela kat ki Anutu. Paso, Yesu izem itunu ma imeete, mi siɲiini iurpe lende zaala poponɲana mi mburaanaɲana kek. Zaala tana, ta ikamam mbotɲana mata yaryaaraɲana piti. Mi zaala tana

---

✧ **10:12:** Mk 16:19; Kol 3:1; Ibr 1:3, 8:1 ✧ **10:13:** Mbo 110:1; Ibr 1:3 ✧ **10:16:** Yer 31:33+; Ibr 8:10+ ✧ **10:17:** Yer 31:34

ilela pa beeze ṅonoono ta imbot saamba a, mi izem kawaala biibi ta muṅgu ipakaala iti pa Anutu na, mi ilela kat ki Anutu ta lele potomṅana ṅonoono a.✠

<sup>21</sup> Mi iti lende patoronṅana ka tomtom zanaṅana ta imborro Anutu wal kini mi koronṅana ta boozomen.✠

<sup>22</sup> Tana matanda lala pa sanaana kiti mini pepe. Pa Yesu siṅiini ipus ti ma lelende iṅgeeze, mi takam yok ṅalaṅṅana kek. Tana iti talala kolouṅana pa Anutu raama lelende, mi tuurla kat kini.✠

<sup>23</sup> Mi koronṅana ambainṅana ta Anutu imbuk sua pa be ikam piti i, na lelende iwe ru pa pepe. Pa Anutu, ni itoto sua kini. Tana tezem sua mbukṅana tana pepe. Tikiskis ma imbol la lelende, mi tezzwe pizin tomtom.✠

<sup>24</sup> Mi matanda iṅgal be taparpombolmbol ti pa mbulu ki lelende par piti ramaki mbulu mi uraata ambaimbainṅana ta boozomen.✠

<sup>25</sup> Mi mbulu ki tuluplup ti pa sunṅana na, tezem pepe. Pa kere. Ingi nol biibi imar igarau kek. Tana matanda iṅgal be tuluplup ti mi taparpombolmbol ti. Ingi anso paso, tomtom tiom pakan timama pa lupṅana pe som.✠

*Tikiskis urlaṅana kiti mi temendernder mbolṅana. Pa sombe tipizil ndemende pa Krisi, inako lende zaala toro sa mini som*

<sup>26</sup> Tana kere yom. Pa sombe ṅgar kiti ipet pa sua ṅonoono ma takan la kek, to tusu mini, mi tonono-

---

✠ **10:19-20:** Mt 27:51; Yo 10:9, 14:6; Ep 2:18, 3:12 ✠ **10:21:** Ibr 4:14 ✠ **10:22:** Ngo 22:16; Ep 5:26; Ibr 9:14 ✠ **10:23:** 1Kor 1:9; 1Tes 5:24; Ibr 3:6 ✠ **10:24:** Ibr 3:13 ✠ **10:25:** Ngo 2:42; Ro 13:11; Pil 4:5; Kol 3:16

knok sanaana kamɗana, inako lende patoronɗana toro sa be ireege sanaana kiti som.✧

27 Pa wal ta kembei na, zan imap kek. Tikam ko tikam so? Som. Tanata motoɗana biibi ikam zin ma timbotmbot, mi tizza men kadoono tabe Biibi iur pizin i. Mi ina you biibi tabe ikan zin wal ta tizorzooro Anutu na.✧

28 Kakam ngar pa tutu ki Mose. Tutu tana mbolɗana kat. Sombe tomtom sa izooro, mi sombe wal ru, som tel sa tire kati mi tiswe i, na bela tipuni ma imeete. Irao timuɗai i na som.

29 Kere. Sombe mbulu ta kembei iwedet pizin tomtom ta tizooro Mose tutu kini, inako parei pa tomtom ta so mata pasom Anutu itunu Lutuunu? Ni kola ikam kadoono ta sananɗana kat. Pa Krisi sinjiini potomɗana ta ireere beken a ipombol sua mbukɗana ki Anutu, mi ikam tomtom tana ma iwe Anutu lene na, ni irepiili kembei koroɗ sorok. Mi Bubunɗana tau ipiyotyooto kampeɗana ki Anutu piti na, tomtom tana kwoono ipasomi.✧

30 Mi iti tuute: Anutu sua kini iso ta kembei: Nio ituj ko anɗokot mbulu kizin tomtom, mi anɗur kadoono pizin.✧

Mi sua lwoono toro iso ta kembei. Iso: Merere ko itiiri wal kini pa mbulu kizin, mi iur kadoono pizin.✧

31 Tana iti tomoto Anutu mata yaryaaraɗana. Pa ni namaana alalalɗana. Irao toko pini na som.✧

---

✧ **10:26:** Ibr 6:4+; 2Pe 2:20+; 1Yo 5:16 ✧ **10:27:** 2Tes 1:7+; Ibr 12:29; Tur 20:15 ✧ **10:29:** Mt 26:28; Ep 4:30; Ibr 2:2+, 12:25 ✧ **10:30:** Lo 32:35; Ro 12:19 ✧ **10:30:** Mbo 50:4, 135:14 ✧ **10:31:** Lu 12:5; 2Kor 5:11

<sup>32</sup> Motoyom ila pa ta munḡu na. Indeeḡe ta mata popoten mi Anutu ipei ḡgar tiom ma kombot mat pa uruunu ambaiḡana na, patanḡana biibi ikam yom pa Kriḡi zaana. Tamen kezem urlanḡana tiom som, mi kemender mbolḡana.✧

<sup>33</sup> Mazwaana pakan tipamender yom ila iwal biibi matan, mi kwon pasom yom mi tiseeze motoyom. Mi mazwaana pakan tikam mbulu ta kembei pa waeyom bizin pakan. Tabe leleyom isaana pizin, mi kagaaba zin ma niomḡan kabaada patanḡana kizin tana.✧

<sup>34</sup> Mi indeeḡe tau tikis waeyom bizin pakan ma tiur zin lela ruumu sanaana na, leleyom isaana pizin mi ku'uulu zin. Mi indeeḡe tau tomtom timar, mi tiyo len koronḡ tiom ma tila na, leleyom ambai men. Paso, niom kuute ta kembei: Leyom koronḡ ambaiḡana toro ta ilip kat pa koronḡ ta tikam ma tila na. Koronḡ ambaiḡana tana, koronḡ ḡnonoona. Mi ko imbotmbot ma alok.✧

<sup>35</sup> Tana mbulu tiom ta komoto som mi kemender mbolḡana na, kezem pepe. Pa kaimer ko ka kadoona ambaiḡana ta biibi kat.✧

<sup>36</sup> Tana kemender mbolḡana. Naso koto Anutu leleene, mi sua kini mbukḡana iur ḡnonoona piom.✧

<sup>37</sup> Pa Anutu sua kini iso ta kembei. Isombe:  
Molo som to ni tabe imar i, ko imar ipet.

Ni ko inaunau som.

<sup>38</sup> Mi tomtom ta so iwe ndeeḡanḡana pa nio motonḡ na, urlanḡana kini ko ikam peeze pini.

---

✧ **10:32:** Pil 1:29+ ✧ **10:33:** 1Kor 4:9; Pil 4:14; 1Tes 2:14

✧ **10:34:** Mt 6:20; ḡḡo 5:41; Ibr 13:3; 1Pe 1:4+ ✧ **10:35:** Mt

5:12 ✧ **10:36:** Lu 21:19; Ibr 6:12, 12:1; Tur 13:10

Tamen sombe tomtom sa imoto kana, mi izem urlaṅana kini, nako leleṅ ambai pini som.✧

<sup>39</sup> Mi iti kembei zin wal ta timototo kan, mi tizem urlaṅana kizin na som. Pa wal ta kembei ko tila len. Iti na, tikiskis urlaṅana kiti bekena tombot matanda yaryaara ma alok.✧

## 11

### *Mbulu ta urlaṅana ipiyotyooto*

<sup>1</sup> Urlaṅana na, ka mbulu ta kembei: Koron ambaimbaiṅan tabe Anutu ikam piti i, na lelede iwe ru pa pepe. Mi koron ta tere ki matanda som, na urlaṅana ta ikam ti ma ṅgar kiti imbol pa ma toso koron tana imbotmbot.✧

<sup>2</sup> Zin wal urlaṅan ta munḡu timbot na, urlaṅana kizin imbol ta kembei, tanata Anutu leleene ambai pizin mi iwit urun.

<sup>3</sup> Urlaṅana ta ikam ti ma toso: Anutu iso sua men mi saamba, toono, mi koron ta boozomen tipet. Tana koron boozomen ta tipet ma tere zin i, tipet pa koron sa ta iti irao tere ki matanda i som.✧

### *Urlaṅana ki Abel, Enok mi Noa*

<sup>4</sup> Munḡu Abel iurla ki Anutu, tanata ikam patoronṅana ta ambaiṅana ma ilip pa patoronṅana ki toono Kain. Tana urlaṅana kini, ta ikam ma Anutu leleene ambai pini, mi iwit uruunu ma isombe ni tomtom ndeeṅṅana, mi iyok pa patoronṅana kini. Tana ṅonoono, Abel ni imeete kek. Tamen urlaṅana kini ka mbol ta ipombolmbol ti men i.✧

✧ **10:38:** Hab 2:3+; Ro 1:17; 2Pe 3:9 ✧ **10:39:** 1Tes 5:9; 2Pe 2:20+

✧ **11:1:** Ro 8:24+; 2Kor 4:18, 5:7 ✧ **11:3:** Un 1:1+; Mbo 33:6+; Yo

1:3; 2Pe 3:5 ✧ **11:4:** Un 4:3+; Ibr 12:24; 1Yo 3:12

<sup>5</sup> Enok, ni iurla ki Anutu, tabe meeteɲana indeeɲi som. Mata yaryaaraɲana, mi Anutu ikami ma isala. Pa sua ki Anutu iso ta kembei: Tomtom tire i mini som. Pa Anutu ikami ma isala kek.✧

Mi muɲgu, indeeɲe tau Anutu ikami ma isala zen na, Anutu iwit uruunu ma iso ni leleene ambai pini.

<sup>6</sup> Mi sombe tuurla ki Anutu som, na mbulu kiti sa ko irao Anutu leleene na som. Pa bela tuurla kembei Anutu, ni imbotmbot, mi ikamam kadoono ambaimbaiɲan pizin wal tau tikamam kinkiini be tiute kati, tona tarao be tala kolouɲana pini.

<sup>7</sup> Motoyom ila pa Noa. Indeeɲe Anutu isotaari pa mbulu tabe ipet i, na ni iurla Anutu kalɲaana. Nonoono, ta muɲgu mi imar na, tomtom tire mbulu sa ta kembei som. Tamen Noa, ni imototo Anutu. Tanata ito Anutu kalɲaana ma ipo woɲgo, mi ikamke itunu mi wal kini pa nonor biibi. Uurlaɲana kini tina, ta iswe mbulu sananɲana kizin tomtom ta timbot toono pa mazwaana tana ma imbot mat. Mi ikami ma zaana pa matamur ki Anutu, mi Anutu ipaati be tomtom ndeeɲeɲana.✧

### *Uurlaɲana ki Abaraam*

<sup>8</sup> Mi Abaraam tomini iurla. Pa indeeɲe Anutu iboobi be izem kar kini mi ila pa lele toro tau ni imbuk sua pa be ikam pini na, ni ilerɲ la sua tana mi imanɲa pataaɲa pa pai. Nonoono, mata popoten

---

✧ 11:5: Un 5:21+ ✧ 11:7: Un 6:13+; Ro 3:22; 1Pe 3:20



ni ikankaana pa lele inḡoi tabe ni ila ma imbot pa i.✧

<sup>9</sup> Tamen iurla kembei Anutu imbuk sua pini be ikam toono tana pini, tanata imanḡa mi iwwa ma ila, mi iwe leembe pa. Mi ni iur kar sa som. Ipamendernder beeze men mi imbotmbot pa. Ila kena, ipamender. Ila kena, ipamender. Mi ni itu-tamen som. Kaimer lutuunu Isak mi tumbuunu Yakop tomini. Nonoono, zin zan pa sua mbukḡana ki Anutu kembei Abaraam. Tamen tire kat ka ḡonoono som, mi timbotmbot lela beeze men.✧

<sup>10</sup> Tana Abaraam izirri i mi iwwa. Paso, ni iurur mataana pa kar ḡonoono tau Anutu itunu ikam mos pa mi ipamender. Kar tana ko imbol mi imbotmbot ma alok.✧

<sup>11</sup> Abaraam iurla, tanata Anutu ipomboli ma irao ziru waene Sarai tipeebe. Nonoono, mazwaana tana, Sarai irao ipeebe mini som. Paso, ni iwe kolmannan kek. Tamen Abaraam iurla kembei Anutu itoto sua kini mbukḡana, tanata ire sua tana iur ḡonoono.✧

<sup>12</sup> Kere. Abaraam, ni tomtom tamen ḡonoono. Mi mburaana imap kek. Tamen zin wal ta tiyooto pini na, boozo kat. Irao tinin zin na som. Pa zin kembei pitik ta timbot saamba mi magargaara ta sousou kana i.✧

<sup>13</sup> Wal ta boozomen tana, urlanḡana ikamam peeze pizin ma irao meetenḡana kizin. Nonoono, koronḡ ta Anutu imbuk sua pa be ikam pizin na, tikam som. Pa ka nol igarau zen. Tamen matan iurur pa sorok, mi lelen ambai pa ma kembei ta

---

✧ **11:8:** Un 12:1+; Nḡo 7:2+ ✧ **11:9:** Un 35:27 ✧ **11:10:** Ibr 12:22, 13:14; Tur 21:2,10 ✧ **11:11:** Un 17:19, 21:2; Ro 4:18+ ✧ **11:12:** Un 15:5, 22:17

tirre la pa koron̄ n̄onoono i. Mi zitun tizzo katkat ma tiso: “Toono tin̄gi, niam kar tiam som. In̄gi amwe leembe pa sorok.”✧

<sup>14</sup> Mi wal ta tizzo sua ta kembei na, tizzwe kembei kar kizin n̄onoono sa ko imbotmbot i. Mi in̄gi tirru ta tiwwa i.

<sup>15</sup> Mi be tikamam n̄gar biibi pa kar ta tizem kek na, mi titwer miili pa, so timiili ma tila kek.

<sup>16</sup> Mi som. Pa lelen itan̄tan̄ la pa kar toro ta ambain̄ana kat ma ilip. Kar tana imbot ta kor a. Uunu tina ta Anutu niini ise, mi leleene pizin, mi iyok pizin be tipaati kembei Anutu kizin. Pa kar ta zin tiurur matan pa, ina ni iurpe pizin ma imap kek.✧

<sup>17-18</sup> Indeen̄e Anutu itoombo Abaraam na, ni iyok la Anutu kal̄naana mi ikam lutuunu Isak ma ila be iwe patoron̄ana pini. Nonoono, mun̄gu Anutu imbuk sua pini ma iso: “Koron̄ ta nio an̄buk sua pa na, popon̄ana ku tabe tiyooto pa Isak i ko tikam.” Kere. Isak, ni itutamenn̄ana. Kel̄naana sa som. Tamen Abaraam iurla, tanata ikam lutuunu tana, mi iso ipuni be iwe patoron̄ana.✧

<sup>19</sup> Paso, ni iurla ta kembei: Anutu, ni irao be ipei zin meeten̄an ma burup ma timan̄ga mini. Mi mbulu ta ipet pa Isak, ina kembei ta ni imeete kek, mi Anutu ipei i ma burup ma iman̄ga, mi iuri la ki Abaraam mini. Mbulu tana ipatoon̄o iti pa man̄gan̄ana kizin wal meeten̄an.✧

### *Urlan̄ana ki Isak, Yakop, mi Yosep*

✧ **11:13:** Un 23:4; Mbo 119:19; 2Kor 5:7; Pil 3:20; 1Pe 1:17, 2:11

✧ **11:16:** Pil 3:20; Ibr 13:14 ✧ **11:17-18:** Un 21:12, 22:1+; Ro 9:7;

Yems 2:21+ ✧ **11:19:** Yo 5:21; Ro 4:17+

<sup>20</sup> Isak, ni iurla ki Anutu, tanata ipombol lutuunu bizin Yakop ziru Isau, mi iso zin pa mbulu tabe ipet pizin pa kaimer i.✧

<sup>21</sup> Mi Yakop iurla ki Anutu, tanata indeenje ni iwe kolman kat mabe imeete na, loja mi ipombol Yosep lutuunu bizin ru munju. Mi ipenjeene pañaana se tete kini ta iwwa pa i, mi isuj pa Anutu.✧

<sup>22</sup> Mi Yosep iurla ki Anutu, tanata indeenje ni ikamam be imeete na, iso pa mazwaana tabe zin Israel tizem Aikuptu i, mi isotaara zin pa itunu tirontiron tomini. Beso timaŋa na, matan iŋgal be tikam ma tila, mi titwi su toono Kanaan.✧

### *Urlaŋana ki Mose*

<sup>23</sup> Mose tamaana ma naana tiurla ki Anutu, tanata indeenje tau tipeebi na, timoto king kalñaana som, mi titurke i ma imbot pa puulu tel. Paso, tire ruŋguunu ambaiŋana kat ma ipa ndel pizin pikin pakan.✧

<sup>24</sup> Mose, ni iurla ki Anutu, tanata kaimer ma iwe tomtom na, leleene be tomtom tipaati be king lutuunu moori lutuunu na pepe. Pa zaana tana, ni ire kembei koronj sorok.✧

<sup>25</sup> Mi mboti ambaiŋana ki kulindi ta molo som mi imap na, ni ikam ŋgar biibi pa som. Pa imoto: Kokena iyaaru i pa sanaana. Tana leleene imet kat, mi igaaba Anutu wal kini, mi ibaada patañana kembei ta zin. Pa ina, ni ire kembei koronj ambaiŋana ma ilip.✧

---

✧ **11:20:** Un 27:27-39+ ✧ **11:21:** Un 47:31+, 48:15+ ✧ **11:22:** Un 50:24+; Kam 13:19 ✧ **11:23:** Kam 2:2+; Njo 7:20+ ✧ **11:24:** Kam 2:10+ ✧ **11:25:** Mbo 84:10; Ibr 10:33

26 Mi ni iurur mataana pa kadoono ambaijana tabe Anutu ikam pini pa kaimer i, tanata ikam ngar ta kembei: Sombe tirepiili i mi tikam patajana pini pa Mesia zaana, ina ambai. Pa Mesia tana ilip kat pa koron ndabokbokjan matakija tau zin Aikuptu kan tindoundou na.✧

27 Mi urlajana ki Mose, ta ikami ma imoto kete malmaljana ki king som, mi izem Aikuptu. Nonono, iti tomtom tarao be tere kat Anutu ki matanda som. Mi Mose, ni ikam ma kembei ta irre Anutu i. Tabe imender mboljana.✧

28 Mose iurla ki Anutu, tanata iso pizin Israel ma tikam mbulu ki Pasoba, mi timusmus sin ise kataama kizin kizin. Tana ajela tau Anutu ingo i ma ila be ikasgeege zin Aikuptu na, ikam kosa sa pizin pikin munjamunga kizin Israel som.✧

29 Zin iwal biibi ki Israel tiurla ki Anutu, tanata tipa pa toono raraazajana men mi tindu Tai Sinsinjana ma tilae. Beso zin Aikuptu titoombo be tito zin na, tai ipol ma imiili mi ipomon zin.✧

30 Urlajana kizin Israel, ta ikam zin ma tipapiliu kar biibi Yeriko pa aigule lamata mi ta. Beso aigule iwe lamata mi ru na, Anutu ikam ma siiri mboljana ki kar tana baram baram su lene.✧

31 Reap, ni moori zaala lwoono kana ta munju imbot kar Yeriko na. Mi ni tomini iurla ki Anutu. Tana indeenje Yosua ingo zin pautu ma tila be titiiri lele na, Reap ikam zin ma tila ruumu kini mi imboro zin ma timbot ambai. Tana kaimer ma zin Israel tikas zin iwal biibi ki kar Yeriko

---

✧ **11:26:** Ibr 10:34+, 13:13 ✧ **11:27:** Kam 2:10+; Yo 20:29; 2Kor 4:18 ✧ **11:28:** Kam 12:7-21+ ✧ **11:29:** Kam 14:21+ ✧ **11:30:** Yos 6:12+

ta tizorzooro Anutu na, Reap imeete raama zin som.✧

*Wal urlaṅan pakan ta Anutu mburaana itatke zin pa pataṅana kizin*

<sup>32</sup> Ambai, aṅso imar imiili su ti. Kokena aṅyaaru ma molo. Pa leṅ mazwaana sa be aṅso pa Gideon, Barak, Samson, Yepta, mi Dabit ma Samuel, mi Anutu kwoono bizin ta muṅgu tikamam sua pizin tomtom na som.✧

<sup>33</sup> Zin wal tina tiurla ki Anutu mi ni ipombolmbol zin, tana tomtom kizin pakan tila pa malmal ma tilip pizin king ta timborro lele pakan ta bibip i. Mi kizin pakan na, tiurpewe pataṅana kizin tomtom mi tipombolmbol mbulu ndeeṅeṅana. Kizin pakan na, tire sua ta Anutu imbuk pizin na iur ṅonoono. Mi kizin pakan na, Anutu iuulu zin, tabe laion tirao be tikan zin som.✧

<sup>34</sup> Kizin pakan na, tikam zin mi tipiri zin lela you. Tamen you ineene zin som. Mi kizin pakan na, tomtom tiso tikuruumu zin pa buza. Mi som. Pa zin tila len kek. Tomtom kizin pakan na, mburan biibi som. Tamen Anutu ipombol zin, tana ziṅan zin karkari tiporou ma tilip pizin, mi tiketo kan koi bizin tana ma tila len.✧

<sup>35</sup> Mi moori pakan na, Anutu ipei wal kizin ta timeete kek na, mi burup ma timaṅga mini.✧

*Wal pakan ta urlaṅana ipombol zin ma tibaada pataṅana*

---

✧ **11:31:** Yos 2:1+, 6:22+; Yems 2:25    ✧ **11:32:** Het 4:16; 1Sam 1:1-1Kin 2:12    ✧ **11:33:** 1Sam 17:34+; 2Sam 7:11+; Dan 6:1+  
 ✧ **11:34:** Het 7:22, 15:14+; 1Sam 18:11; Dan 3:1+    ✧ **11:35:** 1Kin 17:22+; 2Kin 4:36+

Mi tomtom pakan na, kan koi bizin tiseezeze matan mi tizzo pizin ta kembei: “Niom sombe kezem urlaṅana tiom, tona amzem yom ma kala leyom.” Tamen zin tileṅ la kaṅan som. Paso, tire kembei maṅaṅana ki mbeṅ kaimer na koronṅ ambaiṅana ma ilip. Tanata kan koi bizin keten malmal pizin, mi tiur yoyouṅana pizin pa zaala boozo, ma ila ila ma timetmeete.

<sup>36</sup> Mi wal pakan na, tomtom tikam senṅe pizin, mi tibalis zin pa re tuunu. Pakan, tipo zin pa re, mi tiur zin lela ruumu sanaana.✧

<sup>37</sup> Mi pakan na, tipun zin pa pat ma timetmeete. Pakan, titeete zin ma timetmeete. Mi pakan na, buza ikan zin ma timetmeete. Tomtom pakan timbot ṅoobo kat. Tiurur mbili kulin men ma iwe len kawaala, mi tikanan peteele. Mi tomtom tiseezeze matan mi tikamam bakai pizin.✧

<sup>38</sup> Zin tana, wal ambaimbaiṅan kat ma tilip pa iwal biibi ki toono ti. Tamen timbot ṅoobo kat. Tomtom kizin pakan tiwwa pa lele bilimṅana mi lele abalabalṅana. Mi pakan na, timbotmbot lela toono mi raṅ sumbun sumbun. Paso len murin sa som.✧

<sup>39</sup> Zin wal ta aṅwidit kan mbol ti na, tiurla kat. Tanata Anutu leleene ambai pizin mi iwit urun. Tamen koronṅ ambaimbaiṅan ta Anutu imbuk sua pa be ikam pizin na, kizin tasa ire kat som.

<sup>40</sup> Paso, muṅgu kat Anutu leleene iur kek be ikam uraata toro tabe iurpe kat zin mi iti tomini. Uraata tana, ta koronṅ ambaiṅana ma ilip. Mi ni iso zin wal muṅṅaṅan tirao be tire uraata tana ka

✧ **11:36:** Yer 20:2 ✧ **11:37:** 1Kin 21:13; 2Sto 24:21; Nṅo 7:58, 14:19

✧ **11:38:** 1Kin 18:4, 19:9

ņonoono loņa som. Pa leleene be itinjan tere raraate.

## 12

*Yesu ipatoonjo kat iti pa mbulu ki temender mboljana mi tikis urlajana kiti*

<sup>1</sup> Lak, sombe wal boozo kat ta kembei timbot mi tipombol ti be tuurla, nako parei piti ta koozi? Pa inģi kembei toloondo pa londi molo. Tana koron boozomen ta iyalele iti pa loondonana na, titirke ma tisu len lup, raama sanaana ta iyaryaaru iti ma tapanjobņoobo i. Mi toto zaala ta Anutu iur piti na, mi toloondo kat, mi tikiskis ma tala tun ļa ka senģaana.✠

<sup>2</sup> Mi matanda imilmiili pepe. Matanda inģalģgal Yesu men tau, mi toloondo ma tala. Pa ni ta imuņģu pa urlajana mi iswe kat ka mbulu. Kere. Ni tipamianģi, mi ibaada patajana ma imeete sala ke pambaaranana. Tamen pamianģana tana, ni inin som. Ina ni ire kembei koron sorok, mi imender mboljana. Paso, ni iute: Kaimer ni ko menmeeni. Mi koozi ni imbot saamba kek mi mbuleene su muriini peeze kana ta Anutu namaana woono a.✠

<sup>3</sup> Ni, tomtom sananjan tiurur koi pini, mi tizor-zooro kati. Tamen imender mboljana. Tana kakam nģar pini mi koto i. Kokena mburoyom imap, mi kegesges, to kezem urlajana tiom.✠

<sup>4</sup> Ņonoono, niom kerre patajana biibi pa mbulu sananģana tau tomtom tikamam piom. Tamen tiom tasa sinģini ireere pasa zen.✠

---

✠ **12:1:** 1Kor 9:24+; Pil 3:13+; Ibr 10:36; 1Pe 2:1 ✠ **12:2:** Pil 2:8+; Ibr 1:3, 3:1, 13:13 ✠ **12:3:** Yo 15:18+; Ga 6:9; Tur 2:3 ✠ **12:4:** 1Kor 10:13; Ibr 10:32+

<sup>5</sup> Mi parei, sua pombolɔana ta Anutu iso pa lutuunu bizin na, motoyom inɔal som? Pa sua lwoono ta iso ta kembei. Iso:

Lutuɔ, sombe Merere ikam mbulu sa bekena ipazalu pa, na kilaala itum mi kam kat nɔar pa.

Mi sombe iyaambu, na lelem isaana mi nim gesges pa pepe.

<sup>6</sup> Pa wal boozomen ta Merere leleene pizin na, ni ipazalzal zin.

Mi wal boozomen ta ni ipaata zin be lutuunu bizin na, ni iballis zin.✧

*Anutu izem lutuunu bizin ma tibaada pataɔana bekena ipazal zin mi ipaute zin pa koron pakan*

<sup>7-8</sup> Tana pataɔana sa isombe ikam yom, na leleyom ambai, kemender mbolɔana, mi kabaada men. Pa ina Anutu ikam bekena ipazal yom pa. Tana iswe kembei niom kewe ni lutuunu bizin kek. Kere. Sombe pikin sa ikam nɔobo, ko tamaana ipazali som? Som. Pikin ta boozomen taman bizin tipazalzal zin makin. Mi Anutu ta kembena. Ni ikamam ma lutuunu bizin ta boozomen tirre pataɔana, bekena ipazal zin mi ipaute zin pa koron pakan. Tana sombe ni ipazalzal som, inako ni lutuunu nu som, mi nu kembei tomtom ta tama somɔana i.✧

<sup>9</sup> Mi koron toro tomini. Takam nɔar pa mbulu ta tamanda bizin tikamam piti na. Tamanda bizin ta boozomen tiballis ti bekena tipazal ti. Tamen iti lelende inɔis pizin som, mi lende nɔer pizin. Mi Tamanda ta imbot saamba a, ni ilip pizin. Tana ni

---

✧ **12:6:** Tut 3:11+; Mbo 94:12; Yems 1:12; Tur 3:19 ✧ **12:7-8:** Lo 8:5; Tut 13:24; Yems 1:2+; 1Pe 5:9



isombe ipazal ti, na bela tokoto itundu mi toyok pa men. Naso tombot ambai ma alok.

<sup>10</sup> Tamanda bizin ta ki toono i, zin tipazalzal ti pa mazwaana rimen, mi tikamam irao zitun ngar kizin. Mi Tamanda Anutu na som. Pa ni ipazalzal ti bekeni iuulu kat iti, mibe ikam ti ma tewe potomɲanda kembei ni itunu.✧

<sup>11</sup> Iti tuute: Sombe tibalis ti, na lelende ambai som mi lelende ipata. Mi sombe Anutu ikam ma tendeeɲe pataɲana sa bekeni ipombol ti mi ipaute iti pa mbulu kini pakan, nako raraate men tau. Tamen lelende ingis pa pepe. Pa pataɲana tana, kaimer ko ipiyooto ɲonoono ambaiɲana ta kembei: Mbulu ndeeɲeɲana ko imbol piti, mi itinjan Anutu taparlup ti ma tewe tamen.✧

<sup>12</sup> Nio aɲute: Niom pakan na, kembei zin wal ta tiloondo pa londi molo ma nin isaana, mi naman ma kumbun timetmeete lup kek. Tamen kakam se ki mburoyom!✧

<sup>13</sup> Mi motoyom ingal be koto zaala ndeeɲeɲana men. Naso wal tiom pakan ta urlaɲana kizin imbol som na, tito yom mi kopombol zin ma timbol. Tana kere yom. Kokena kapaɲoobo, to kakam zin ma titop ma tisaana kat.✧

*Tere iti. Kokena tipizil ndemende pa Anutu mi takam ngar toono kana kembei ta Isau*

<sup>14</sup> Kakam kinkiini be niomɲan tomtom ta boozomen kaparlup leleyom ma kewe tamen, mibe koto mbulu potomɲana men. Pa tomtom ta

---

✧ **12:10:** 1Pe 1:15+; 2Pe 1:4 ✧ **12:11:** Yems 3:17+ ✧ **12:12:** Yesa 35:2+ ✧ **12:13:** Tut 4:26; Ga 6:1; Ibr 12:1

so ikamam mbulu potomņana som, nako irao ire Merere som.✠

<sup>15</sup> Tana kerre yom. Kokena tomtom tiom sa ipizil ndemeene pa Anutu mi kampeņana kini. Mi kokena kezem tomtom sa ma ņgar sananņana izeebi, to ipasaana urlaņana kizin tomtom boozomen ma tisaana pa Anutu mataana, kembei ro sananņana ilol kini pa mokleene.✠

<sup>16</sup> Mi kokena tomtom tiom sa ipizil ndemeene pa Anutu, mi ikam ņgar toono kana kembei Isau. Pa Isau, ni muņgamuņga mi zaana be ikam matamur ki tamaana Isak. Tamen ikam ņgar pa matamur tana som, mi isemboron la ne pa ka yambon mbooro tamen ņonoono.✠

<sup>17</sup> Mi niom kuute. Kaimer indeeņe ta ni ila ki tamaana be ikam matamur kini na, itaņgoro i raama tiņiizi biibi be ipomboli. Tamen tamaana ititi. Tana mbulu ta Isau ikam kek na, ni le zaala sa be itooro mini na som.✠

### *Zaala popoņana ilip pa zaala ta ki abal Sinai*

<sup>18-19</sup> Niom kembei zin Israel ta muņgu tila tipet abal Sinai na som. Pa iņgi kamar kolouņana pa koron ta irao kere kat mi keteege pa nomoyom na som. Mi zin na, tire kat you ta iķanan sala abal na, mi miiri tieene ta ipalakoikoi mi izuk abal ma sik, mi zugut biibi, mi lele ikimitmit, mi miiri biibi. Mi tilen lele ikuruņruņ, mi koron kembei ta twiiri na itaņ ma kalņaana biibi. Mana tilen sua. Tabe motoņana ikam zin ma tisaana kat. To titaņgoro

✠ **12:14:** Mbo 34:14; Mt 5:8+; Ro 12:18; 2Kor 7:1; 1Pe 1:16

✠ **12:15:** Lo 29:18; Ngo 8:23; 2Kor 6:1; Ga 5:4; Ibr 3:12 ✠ **12:16:**

Un 25:29+; Ibr 3:12 ✠ **12:17:** Un 27:30

Mose. Tisombe: “Wai Mose, so pa Anutu be iso sua sa piam mini pepe.”✧

<sup>20</sup> Tiso paso, timoto Anutu kalñaana ta isombe tomtom sa, som mbili sa isombe ila ma tuŋ la kat ta abal uunu, tona tipuni pa pat ma imeete pataaŋa.✧

<sup>21</sup> Mi mbulu ta ipet pizin, ina ikam ma motoŋana biibi ikam Mose tomini. Tabe iso: “Wai, nio ti anmurur mi anmoto ma tau!”

<sup>22</sup> Tamen niom na, kombot la zaala toro. Pa inŋi kamar kolouŋana pa abal Sion kek. Mi ina Yerusalem ta imbot saamba a, kar biibi ta Anutu mata yaryaaraŋana imbotmbot pa. Niom inŋi kamar lele tau zin aŋela munñaana ma munñaana tiluplup zin su pa i be menmeen zin.✧

<sup>23</sup> Mi inŋi kamar kombot la lupŋana ki Anutu lutuunu bizin kek. Mi niom ta boozomen kewe kembei pikin muŋgamuŋga lup. Wal boozomen ta timbot la lupŋana tana na, zan ise Anutu ro kini ta imbot saamba a. Tana Ni tabe itiiri zin tomtom ta munñaana men mi iur kadoono pizin na, niom kamar kolouŋana pini kek. Ni Anutu kiti. Mi inŋi kamar kagaaba zin wal ndeeŋeŋan tau timetmeete ma kunun tila timbot saamba a. Wal tana, uraata ki Krisi ikam zin ma tiwe ŋgeezeŋan pa Anutu mataana kek.✧

<sup>24</sup> Mi inŋi kamar ki Yesu. Ni ta imender piti mi Anutu. Mi kamar pa zaala popoŋana tabe itinŋan Anutu taparlup ti ma tewe tamen pa i. Zaala tana na, Yesu siŋiini ta ipiyooto ma ipet. Tana Yesu siŋiini ilip pa Abel siŋiini. Pa Abel siŋiini iboboobo

---

✧ **12:18-19:** Kam 19:12+, 20:18+ ✧ **12:20:** Kam 19:12+ ✧ **12:22:** Ga 4:26; Pil 3:20; Ibr 11:10; Tur 21:2+ ✧ **12:23:** Lu 10:20; Ibr 10:14, 11:40; Tur 13:8

pa mbulu pokotŋana sa. Mi Kriŋi ŋiŋiini na, izzo iti pa muŋaiŋana ki Anutu.✧

<sup>25</sup> Kelenj. Ingi Yesu itunu ta izzo sua piom. Tana kititi pepe. Pa kere. Zin Israel ta muŋgu tizooro la Anutu sua kini na, tila kan lele sa, som Anutu ileele zin? Som. Mi indeeŋe tana, ni imbot toono men mi izzo kalŋaana pizin. Tamen koozi, Yesu imbot saamba mi izzo piti. Tana sombe tipizil ndemende pini, nako toko be parei? Som ma som kat!✧

<sup>26</sup> Muŋgu Anutu kalŋaana imar mi itok toono ma imurur. Mi koozi na, ni imbuk sua ta kembei: Kaimer ko aŋtok toono mini pa tamen sa, to imap. Mi toono men som. Ko aŋtok saamba tomini.✧

<sup>27</sup> Sua lwoono ta iso ni ko itok toono mini pa tamen sa, ina iso iti ta kembei: Koronj boozomen ta ni iur na, sombe timbol som, nako itok zin ma timap ma tila len. Naso koronj ŋonoono men tau irao timuzik som na timbot.✧

<sup>28</sup> Mi peeze ki Anutu mi kar kini na, koronj mbolŋan. Irao timuzik na som. Tana iti ta tombot la peeze tana, mi zanda be telela kar kini na, lelende ambai pa Anutu mi tapakurkuri. Mi topou i mi tomoto i. Naso tembesmbeeze pini irao ni leleene.✧

<sup>29</sup> Pa Anutu kiti, ni potomŋana kat. Ni kembei you ta ikanan koronj ta boozomen.✧

## 13

### *Zaala tabe tembesmbeeze pa Anutu*

---

✧ **12:24:** Un 4:10+; Ibr 8:6, 9:15+; 1Pe 1:2 ✧ **12:25:** Kam 20:22; Ibr 1:2, 2:1+, 10:26+ ✧ **12:26:** Kam 19:18; Mbo 68:8; Hag 2:6 ✧ **12:27:** Mbo 102:25+; 2Pe 3:10; 1Yo 2:17; Tur 21:1 ✧ **12:28:** Pil 2:12 ✧ **12:29:** Kam 24:17; Yesa 33:14; 2Tes 1:7; Ibr 10:27

<sup>1</sup> Niom kewe tonmatizin ta ki Kresi i kek. Tana leleyom par piom ma kombotmbot. Kezem pepe.✧

<sup>2</sup> Sombe leembe tima, na kere zin mi kakam zin ma kala ruumu tiom. Pa munḡu wal pakan ta tikam zin leembe ma tila ruumu kizin ma timbeeze pizin na, tiso ko timbeeze pizin tomtom. Mi som. Ina zin anḡela tau.✧

<sup>3</sup> Mi Anutu wal kini ta tiur zin lela ruumu sanaana na, motoyom inḡal be kalala ma koloulou zin. Kakam nḡar kembei ta niomḡan kombotmbot lela pataḡana tana. Mi zin wal ta tomtom tikam ḡoobo mbulu pizin na, ta kembena. Motoyom inḡal be ku'uulu zin. Tana pataḡana ta ise kizin na, kayamaana kembei ise tiom tomini.✧

<sup>4</sup> Mbulu ki ula, ina koron ambaiḡana. Tana niom ta boozomen kopotom pa, mi motoyom inḡal kusiyom bizin men. Pa zin wal ta so tipasansaana mbulu ki ula, mi zin tau tikamam sorok na, Anutu kola iur kadoono pizin.✧

<sup>5</sup> Mi kuur leleyom pa pat pepe. Sombe leynom risa, ina irao. Pa Anutu itunu isombe: Nio ko irao anḡzemu, som anḡpizil ndemen pu na som.✧

<sup>6</sup> Tana iti tomoto pepe, mi lelende iwe ru pepe. Nindi ise mi toso ta kembei: Merere, ni ta Ulaaḡa tio. Nio ko irao anḡmoto pa kosa sa na som. Pa tomtom mburan inḡoi be tipasaana yo? Som.”✧

---

✧ **13:1:** Yo 13:34+; Ro 12:10; 1Pe 1:22; 1Yo 4:7 ✧ **13:2:** Un 18:1+; Mt 25:35; Ro 12:13; 1Pe 4:9 ✧ **13:3:** Mt 25:36; Ro 12:15; 1Kor 12:26; Ibr 10:34 ✧ **13:4:** 1Kor 6:9+; Kol 3:5+; Tur 22:15 ✧ **13:5:** Lo 31:6+; Mt 6:25,34; Pil 4:11+; 1Tim 6:6+ ✧ **13:6:** Mbo 56:4, 118:6; Ro 8:31,35+

<sup>7</sup> Zin peeze kan tiom ta munḡu tipaute yom pa Anutu sua kini na, motoyom ingalḡgal zin, mi kototo zin pa mbulu kizin mi urlaḡana kizin. Kakam ḡgar pa ḡonoono ta urlaḡana kizin ipiyooto na. Naso ipombol yom be koto zin.✧

<sup>8</sup> Pa Yesu Kresi, ni itortoori som. Ta munḡu mi imar, koozi, mi kaimer tomimi, mbulu kini imbotmbot raraate men tau.✧

<sup>9</sup> Tana kerre: Kokena sua soroksorok ta ipa ndel pa Anutu sua kini na, iyaaru yom ma kezem zaala ki Anutu. Pa zin wal ta titoto zin Yuda pa mbulu ki kini kanḡana mi kwon imbolmbol pa na, mbulu tana iuluulu zin som. Bela tombol se munḡaiḡana mi kampeḡana ki Anutu, to ambai.✧

<sup>10</sup> Iti lende patoronḡana muriini ta imbotmbot. Mi patoronḡana kiti na, Yesu Kresi tau. Tamen zin patoronḡana kan ta timbesmbeeze pa Anutu lela Urum Merere kizin Yuda na, tirao tikan patoronḡana kiti tana som.✧

<sup>11</sup> Pa kere. Gorgori ta so aigule biibi ki sanaana reegeḡana ipet, na biibi kizin patoronḡana kan ikam mbili siḡin mi ilela pa ruumu leleene ta potomḡana ḡonoono kat be ipatoron Anutu pa. Mi mbili ḡonon na, tikam zin ma tipera mat, mi tizem kar ma tilae kar zilḡaana, to tindou you mi ikan zin ma tila len.

<sup>12</sup> Tanata Yesu tomimi, tikami mi tizem kar Yerusalem zilḡaana ma tipera mat, to imeete raama yoyouḡana biibi, bekena siḡiini ipus zin tomtom pa sanaana kizin ma tiwe ḡgeeḡan pa

---

✧ **13:7:** 1Kor 11:1; 1Tes 1:6+; Ibr 6:12 ✧ **13:8:** Mbo 102:27+;

Ibr 1:12; Yems 1:17 ✧ **13:9:** Ro 14:17; Ep 4:14; Kol 2:4,16-20+

✧ **13:10:** 1Kor 9:13, 10:18

Anutu mataana.✧

<sup>13</sup> Tana iti tomini irao toto i, mi tezem iwal biibi ta titoto zaala mungunana na, ma tala tombot ndel. Mi so tipamianj iti kembei ta tikam pini, ina ambai. Tikam lak!✧

<sup>14</sup> Paso, iti lende kar n̄ono sa ta imbot toono tingi na som. Ingi takamam kinkiini be tala Anutu kar kini tabe ipet mat pa kaimer i.✧

<sup>15</sup> Iti tuute: Yesu ta iwe zaala piti kek. Tana iti ta tezzwe ni zaana i, na irao tapase pini mi kwondo ipakur Anutu pa mazwaana ta boozomen. Pa patoronjana tabe takam pini ta koozi na, ka zaala ta kembei.✧

<sup>16</sup> Mi motoyom ingal be kakampewe waeyom bizin mi kaparrai koronj piom. Pa mbulu ta kembei, ina patoronjana ta Anutu leleene ambai pa.✧

<sup>17</sup> Kelenlej la mboronjan tiom kaljan, mi kototo. Pa zin ta gorgori matan piom mi timborro yom. Mi uraata kizin tana na, kaimer ko timender su Anutu kereene uunu mi tiso i pa. Tana kelenlej la kaljan. Naso tikam uraata kizin raama lelen ambai. Mi kozooro zin pepe. Kokena kakam patajana pizin, to tikam kat uraata kizin som, mi uraata kizin iuulu yom som.✧

<sup>18</sup> Niam ti amyamaana la leleyam kembei amkam n̄oobo mbulu sa som. Mi niom kezem sunjana piam pepe. Pa niam leleyam be mbulu tiam ta boozomen ambai pa Anutu mi tomtom matan.✧

---

✧ **13:12:** Mt 21:39; Yo 19:17+; Ngo 7:58    ✧ **13:13:** Lu 9:23; Ibr 11:26, 12:2; 1Pe 4:14    ✧ **13:14:** Pil 3:20; Ibr 11:10+, 12:22; 1Pe 3:20  
 ✧ **13:15:** Mbo 69:30+; Ep 5:20; 1Pe 2:5    ✧ **13:16:** Ro 12:13; 2Kor 9:8+; Pil 4:18    ✧ **13:17:** 1Tes 5:12+; 1Tim 5:17    ✧ **13:18:** Ngo 24:16; Ro 15:30; 2Kor 1:12

19 Mi koron toro. Ingi anwi yom be motoyom ingal yo pa sunjana bekena Anutu iuulu yo mi lonja anmiili ma anma anre yom mini.

### *Sua pomboljana*

20 Merere kiti Yesu Krisi tau imeete mi Anutu ipei i la meetenjan lenen ma imanja mini kek, ta mboronjan biibi nonoono kizin sipsip.

Ni sinjiini ta ipiyooto zaala poponjana tabe Anutu zinan zin tomtom tiparlup zin pa i.

Zaala tana ko imbotmbot ma alok.

Tana Anutu ta ikamam ti ma tombot ambai na,✧

21 ni itunu ko ikampe yom pa koron ambaim-bainjan ta boozomen. Naso karao be kakam mbulu ta irao ni leleene.

Mi Yesu Krisi ko iwe zaala piti be Anutu ikam uraata la lelende mi ipiyooto mbulu ta ni leleene ambai pa.

Tana iti ko tapakurkur Anutu zaana ma alok.

Nonoono.✧

### *Sua pemetjana*

22 O niom tonmatizin ki Krisi, nio anbeede ro ti ima bekena anpombol yom pa. Mi niyom gesges pa pepe. Pa ingi anbeede sua molo pe som.

23 Mi ansoataara yom ta kembei: Waende Timoti, ni iyooto pa ruumu sanaana kek. Mi sombe imar karau, nako niamru ama ma amlou yom.

24 Kakam aigule tiam ila kizin mboronjan tiom, mi Anutu wal kini potomjan boozomen ta timbotmbot tana. Mi zin Itali kan ta niamjan ambotmbot ti, aigule kizin ima tiom.

---

✧ **13:20:** Yo 10:11; Ibr 9:15+; 1Pe 2:25, 5:4 ✧ **13:21:** Pil 2:13; 2Tes 2:16+; 1Pe 5:10; Yud 24



<sup>25</sup> Kampejana ki Anutu ko ise tiom ta boozomen.

**Anutu Sua Kini Potomaxana  
Genesis, Exodus, Ruth, Psalms, Proverbs, Jonah, and  
The New Testament in the Mbula Language of Papua  
New Guinea  
Sampela hap Buk Baibel long tokples Mbula long  
Niugini**

Copyright © 1996 The Bible Society of Papua New Guinea

Language: Mbula

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

---

PDF generated using Haiola and XeLaTeX on 18 Apr 2025 from source files dated 31 Aug 2023

a815c47a-4c36-5240-a396-70cbd5e9b593